

摘藻堂四庫全書薈要

史部

欽定四庫全書薈要

史部

水經注卷二十三

四

詳校官編修臣繆晉



欽定四庫全書薈要卷七千六百三十四

史部

水經注卷二十三

後魏 酈道元 撰

陰溝水 汭水 獲水

陰溝水出河南陽武縣狼鵠渠

案鵠近刻訛作蕩下同

陰溝首受大河于卷縣

案于字近刻訛在大河上

故瀆東南逕卷

縣故城南又東逕蒙城北史記秦莊襄王元年蒙驁擊取成臯滎陽初置三川郡疑即鵠所築也于事未

詳故瀆東分為二世謂之陰溝水京相璠以為出河

之濟又非所究俱東絕濟隧

案近刻訛作隊

右瀆東南逕陽

武城北

案近刻訛作右溝東西逕陽池城北

東南絕長城逕安亭北又

東北會左瀆左瀆又東絕長城逕垣雍城南昔晉文

公戰勝于楚周襄王勞之于此故春秋書甲午至于

衡雖作王宮于踐土呂氏春秋曰尊天子于衡雖者

也郡國志曰卷縣有垣雖城即史記所記韓獻秦垣

雍是也又東逕開光亭南又東逕清陽亭南又東合

右瀆又東南逕封丘縣絕濟瀆東南至大梁合蕩蕩

渠梁溝既開蕩蕩渠故瀆實兼陰溝浚儀之稱故云

出陽武矣

案近刻訛作出武陽又脫矣字

東南逕大梁城北

案近刻脫東南

二左屈與梁溝合

案溝字近刻訛在屈字下

俱東南流同受鴻溝

沙水之目其川流之會左瀆東導者即汜水也盖津

源之變名矣故經云陰溝出蕩蕩渠也

案渠近刻訛作者

東南至沛為過水

陰溝始亂蕩蕩終別于沙而過水出焉過水受沙水

于扶溝縣許慎又曰過水首受淮陽扶溝縣蕩蕩渠

不得至沛方為過水也

案此二十五字原本及近刻並訛在後老子生于曲過問

之下過水又屈東逕相縣故城南之上

爾雅曰過為洵郭景純曰大水

洑為小水也

案近刻洑作濫下有出別二字

呂忱曰洵過水也過水

逕大扶城西城之東北悉諸袁舊墓碑字傾低

案字近刻

訛作字

羊虎碎折惟司徒滂蜀郡太守騰博平令光碑

字所存惟此自餘殆不可尋過水又東南逕陽夏縣

西又東逕邈城北城實中而西有隙郭

案近刻作璫郭

過水

又東逕大棘城南故鄢之大棘鄉也春秋宣公二年

宋華元與鄭公子歸生戰于大棘獲華元左傳曰華

元殺羊食士不及其御將戰羊斟曰

案食士下近刻作其御羊斟不

與及戰曰九字蓋後人據左傳之文所改

疇昔之羊子為政今日之事我

為政遂御入鄭故見獲焉後其地為楚莊所并

案近刻脫

莊故園稱曰大棘楚地

案楚近刻訛作也

有楚太子建之墳

及伍員釣臺池沼具存過水又東逕安平縣故城北

陳留風俗傳曰大棘鄉故安平縣也士人敦慤易以

統御過水又東逕鹿邑城北世謂之虎鄉城非也春秋之鳴鹿矣杜預曰陳國武平西南有鹿邑亭是也城南十里有晉中散大夫胡均碑元康八年立過水之北有漢溫令許續碑續字嗣公陳國人也舉賢良拜議郎遷溫令延熹中立過水又東逕武平縣故城

北案近刻脫北字城之西南七里許有漢尚書令虞詡碑案近

刻脫碑題云虞君之碑諱詡字定安虞仲之後案近刻脫

之為朝歌令武都太守文字多缺不復可尋按蔚宗

漢書詡字升卿陳國武平人祖為縣獄吏治存寬恕

嘗曰于公為里門子為丞相吾雖不及于公子孫不

必不為九卿故字詡曰升卿定安蓋其幼字也魏武

王初封于此終以武平華夏矣過水又東逕廣鄉城

北圜稱曰襄邑有蛇丘亭故廣鄉矣

案近刻脫廣字

改曰廣

世後漢順帝陽嘉四年封侍中摯填為侯國即廣鄉

也過水又東逕苦縣西南分為二水枝流東北注于

賴城入谷

案注于二字近刻訛在東北上

謂死過也過水又東南屈

案近刻訛作又南東屈

逕苦縣故城南郡國志曰春秋之相也

王莽更名之曰賴陵矣城之四門列築馳道東起賴

鄉南自南門越水直指故臺西面南門列道徑趣廣

鄉道西門馳道西屈武平北門馳道暨于北臺過水

又東北屈

案東下近刻衍而字

至賴鄉西

案近刻脫西字

谷水注之谷

水首受渙水于襄邑縣東東逕承匡城東春秋經書

夏叔仲彭生

案近刻脫仲字

會晉卻缺于承匡左傳曰謀諸

侯之從楚者

案近刻訛作也

京相璠曰今陳留襄邑西三十

里有故承匡城谷水又東南逕已吾縣故城西陳留

風俗傳曰縣故宋也雜以陳楚之地故梁國寧陵縣

之徙種龍鄉也以成哀之世戶至八九千冠帶之徒

求置縣矣永元十一年陳王削地以大棘鄉直陽鄉

十二年自鄢隸之

案近刻脫十二年三字鄢訛作隱

命以嘉名曰已

吾猶有陳楚之俗焉谷水又東逕柘縣故城東地理

志淮陽之屬縣也城內有柘令許君清德頌石碎字

柘惟此文見碑城西南里許有漢陽臺令許叔種碑

案近刻臺字種字互訛

光和中立又有漢故樂成陵令太尉掾

許嬰碑嬰字虞卿司隸校尉之子建寧元年立餘碑

文字碎滅不復可觀當似司隸諸碑也谷水又東逕

苦縣故城中水泛則四周隍塹耗則孤津獨逝谷水

又東逕賴鄉城南其城實中東北隅有臺偏高俗以

是臺在谷水北

案近刻訛作比

其城又謂之谷陽臺非也谷

水自此東入過水過水又北逕老子廟東廟前有二

碑在南門外漢桓帝遣中官管霸祠老子

案中官近刻作宦臣

命陳相邊韶撰文

案近刻脫文字

碑北有雙石闕甚整頓石

闕南側魏文帝黃初三年經譙所勒闕北東側有孔

子廟廟前有一碑西面是陳相魯國孔疇建和三年

立北則老君廟廟東院中有九井焉又北過水之側

又有李母廟

案李下近刻衍老字

廟在老子廟北廟前有李母

冢冢東有碑是永興元年譙令長沙王阜所立碑云

老子生于曲過間過水又屈東逕相縣故城南其城

卑小實中邊韶老子碑文云

案文近刻訛作又

老子楚相縣

人也相縣虛荒今屬苦故城猶存在賴鄉之東

案賴下近

刻衍過水處其陽疑即此城也

案疑近刻訛作然

自是無郭

以應之過水又東逕譙縣故城北春秋左傳僖公二十二年楚成得臣帥師伐陳遂取譙城頓而還是也王莽之延成亭也魏立譙郡沅州治沙水自南枝分北逕譙城西而北注過過水四周城側城南有曹嵩冢冢北有碑碑北有廟堂餘基尚存柱礎仍在廟北有二石闕雙峙高一丈六尺檁櫨及柱皆雕鏤雲矩

案近刻訛作炬朱謀埠云當作烟非也
今考灤水注內亦云柱側悉鏤雲矩

上罽毼已碎

闕北有圭碑題云漢故中常侍長樂太僕特進費亭

侯曹君之碑延熹三年立碑陰又刊詔策

案詔近刻訛作石

二碑文同夾碑東西列對兩石馬高八尺五寸石作

麋拙不匹光武隧道所表象馬也有騰兄冢

案近刻作有兄

騰冢東有碑題云漢故潁川太守曹君墓延熹九年

卒而不刊樹碑歲月墳北有其元子熾冢冢東有碑

題云漢故長水校尉曹君之碑歷太中大夫司馬長

史侍中

案侍上近刻衍引字

遷長水年三十九卒熹平六年造

熾弟盾冢冢東有碑題云漢謁者曹君之碑熹平六

年立城東有曹太祖舊宅所在負郭對廛側隍臨水

魏書曰太祖作議郎告疾歸鄉里築室城外春夏習

讀書傳

案近刻脫春夏二字

秋冬射獵以自娛樂文帝以漢中

平四年生于此上有青雲如車蓋終日乃解即是處

也後文帝以延康元年幸譙大饗父老立壇于故宅

壇前樹碑碑題云大饗之碑碑之東北過水南有譙

定王司馬士會冢冢前有碑晉永嘉三年立碑南二

百步許有兩石柱高丈餘半下為束竹交文作制極

工

案近刻訛作乃士

石榜云晉故使持節散騎常侍都督揚

州江州諸軍事安東大將軍譙定王河內溫司馬公

墓之神道過水又東逕朱龜墓北東南流冢南枕道

有碑

案近刻重冢南二字

碑題云漢故幽州刺史朱君之碑龜

字伯靈

案伯近刻訛作汨

光和六年卒官故吏別駕從事史

右北平無終年化中平二年造碑陰刊故吏姓名悉

薊涿及上谷北平等人過水東南逕層丘北丘阜獨

秀巍然介立故辟壘所在也過水又東南逕城父縣

故城北

案近刻脫北字

沙水枝分注之水上承沙水于思善

縣世謂之章水

案章近刻作漳下同考章水又見渠水注內亦無水旁

故有章

頭之名也東北流逕城父縣故城西

案近刻脫縣字

側城東

北流入于過過水又東逕下城父北郡國志曰山桑

縣有下城父聚者也過水又屈逕其聚東郎山西又

東南屈逕郎山南山東有垂惠聚世謂之禮城袁山

松郡國志曰山桑縣有垂惠聚即此城也過水又東

南逕過陽城北臨側過水

案注內言臨側者不一朱謀埒云當作側臨非也

魏太和中為過州治

案近刻脫過字

以蓋表為刺史後罷州

立郡

案朱謀埒云舊本作立碑吳本改為立郡今考原本作郡非吳所改

衿帶遏戍過

水又東南逕龍亢縣故城南漢建武十三年世祖封

傅昌為侯國故語曰沛國龍亢至山桑者也過水又

屈而南流出石梁梁石崩褫夾岸積石高二丈水厯

其間又東南流逕荆山北

案近刻脫北字

而東流注也

又東南至下邳淮陵縣入于淮

過水又東左合北肥水北肥水出山桑縣西北澤藪

東南流左右翼佩數源異出同歸蓋微脈涓注耳東

南流逕山桑邑南俗謂之北平城昔文欽之封山桑

侯疑食邑于此城東南有一碑碑文悉破無驗惟碑

背故吏姓名尚存熹平元年義士門生沛國蕭劉定

興立

案士近刻訛作北

北肥水又東逕山桑縣故城南俗謂

之都亭

案此下近刻衍城字

非也今城內東側猶有山亭桀立

陵阜高峻非洪臺所擬十三州志所謂山生于邑其

亭有桑

案亭近刻作庭

因以氏縣者也郭城東有文穆冢碑

三世二千石穆郡戶曹史徵試博士太常丞以明氣

候擢拜侍中右中郎將遷九江彭城陳留三郡

案近刻訛

作四部光和中卒故吏涿郡太守彭城呂虔等立北肥

水又東積而為陂謂之瑕陂陂水又東南逕瑕城南

春秋左傳成公十六年楚師還及瑕即此城也故京

相璠曰瑕楚地北肥水又東南逕向縣故城南地理

志曰故向國也世本曰許州向申姜姓也炎帝後京
相璠曰向沛國縣今并屬譙國龍亢也杜預曰龍亢
縣東有向城漢世祖建武十三年更封富波侯王霸
為侯國即此城也俗謂之圓城非又東南逕義成南
案成近刻訛作城世謂之楮城非又東入于過過水又東注
淮經言下邳淮陵入淮誤矣

汭水出陰溝于浚儀縣北

陰溝即蒗蕩渠也亦言汭受旃然水又云丹沁亂流

案沁原本及近刻訛作泌今改正

于武德絕河南入滎陽合汭故汭

兼丹水之稱河濟水斷

案濟近刻訛作沛

汭承旃然而東自

王賁灌大梁水出縣南而不逕其北夏水洪泛則是

瀆津通故渠即陰溝也于大梁北又曰浚水矣故圈

稱著陳留風俗傳曰浚水逕其北者也又東汭水出

焉故經云汭出陰溝于浚儀縣北也汭水東逕倉垣

城南即浚儀縣之倉垣亭也

案浚儀近刻訛作大梁

城臨汭水

陳留相畢邈治此征東將軍荀晞之西也

案荀晞近刻訛作荀

晞遼走歸京晞使司馬東萊王讚代據倉垣斷留運

漕汴水又東逕陳留縣之鉞鄉亭北陳留風俗傳所謂縣有鉞鄉亭即斯亭也汴水又逕小黃縣故城南神仙傳稱靈壽光扶風人死于江陵胡罔家罔殯埋之後百餘日人有見光于此縣寄書與罔

案與近刻訛作於

罔發視之惟有履存汴水又東逕鳴雁亭南春秋左傳成公十六年衛侯伐鄭至于鳴雁者也杜預釋地云在雍丘縣西北今俗人尚謂之為白雁亭汴水又

東逕雍丘縣故城北逕陽樂城南西征記曰城在汭
北一里周五里雍丘縣界汭水又東有故渠出焉南
通睢水謂之董生決或言董氏作亂引水南通睢水
故斯水受名焉今無水汭水又東枝津出焉俗名之
為落架口西征記曰落架水名也續述征記曰在董
生決下二里汭水又逕外黃縣南又東逕莠倉城北
續述征記曰莠倉城去大游墓二十里又東逕大齊
城南陳留風俗傳曰外黃縣有大齊亭又東逕科城

北陳留風俗傳曰縣有科稟亭是則科稟亭也

案科近刻

訛作料

汧水又東逕小齊城南汧水又南逕利望亭南

風俗傳曰故成安也地理志陳留縣名

案近刻訛作志曰陳留舊

名漢武帝以封韓延年為侯國汧水又東龍門故瀆

出焉瀆舊通睢水故西征記曰龍門水名也門北有

土臺高三丈餘上方數十步汧水又東逕濟陽考城

縣故城南為菑獲渠考城縣周之采邑也于春秋為

戴國矣左傳隱公十年秋宋衛蔡伐戴是也漢高帝

十一年秋封彭祖為侯國陳留風俗傳曰秦之穀縣也後遭漢兵起邑多災年故改曰菑縣王莽更名嘉

穀

案此下近刻有漢字

章帝東巡過縣詔曰陳留菑縣

案近刻脫留字

其名不善高祖鄙相人之邑世宗休聞喜而顯獲嘉應亨吉元符嘉皇靈之顧賜越有光列考武皇其改菑縣曰考城是瀆蓋因縣以獲名矣汴水又東逕寧陵縣之沙陽亭北故沙隨國矣春秋左傳成公十六年秋會于沙隨謀伐鄭也杜預釋地曰在梁國寧陵

縣北沙陽亭是也世以為堂城非也汭水又東逕黃

蒿塢北續述征記曰堂城至黃蒿二十里汭水又東

逕斜城下續述征記曰黃蒿到斜城五里陳留風俗

傳曰考城縣有斜亭汭水又東逕周塢側續述征記

曰斜城東三里晉義熙中劉公遣周超之自彭城緣

汭故溝斬樹穿道七百餘里以開水路停泊于此

案泊

近刻故茲塢流稱矣汭水又東逕葛城北故葛伯之

作薄

國也孟子曰葛伯不祀湯問曰何為不祀稱無以供

祠祭遺葛伯葛伯又不祀湯又問之曰無以供犧牡

湯又遺之又不祀湯又問之曰無以供粢盛湯使亳

衆往為之耕老弱饋食葛伯又率民奪之不授者則

殺之湯乃伐葛葛于六國屬魏魏安釐王以封公子

無忌

案安釐王近刻訛作襄王忌訛作答

號信陵君其地葛鄉即是城

也在寧陵縣西十里汧水又東逕神坑塢又東逕夏

侯長塢續述征記曰夏侯塢至周塢各相距五里汧

水又東逕梁國睢陽縣故城北而東歷襄鄉塢南續

述征記曰西去夏侯塢二十里東一里即襄鄉浮圖

也汧水逕其南漢熹平中某君所立

案近刻脫中某二字

死因

葬之其弟刻石樹碑

案近刻脫其字

以旌厥德隧前有獅子

天鹿累塼作百達柱八所

案近刻脫累字達訛作樹

荒蕪頽毀彫

落略盡矣

又東至梁郡蒙縣為獲水

案獲原本訛作睢近刻訛作睢考後獲水出汧水于梁郡

蒙縣北而睢水出梁郡鄆縣可證此乃為獲水甚明今改正

餘波南入睢陽城中

汧水又東逕貫城南

案貫近刻訛作貫

俗謂之薄城非也闕

駟十三州志以為貫城也

案貫近刻訛作貫

在蒙縣西北春

秋僖公二年齊侯宋公江黃盟于貫杜預以為貫也

云貫貫字相似貫在齊謂貫澤也是矣

案近刻訛作以

非此

也今于此地更無他城在蒙西北惟是邑耳考文準

地貫邑明矣非毫可知汧水又東逕蒙縣故城北

案蒙

原本及近刻並訛作違今改正

俗謂之小蒙城也西征記城在汧水

南十五六里即莊周之本邑也為蒙之漆園吏郭景

純所謂漆園有傲吏者也悼惠施之沒杜門于此邑

矣汧水自縣南出今無復有水惟睢陽城南側有小
水南流入于睢城南二里有漢太傅掾橋載墓碑載
字元賓梁國睢陽人也睢陽公子熹平五年立城東
百步有石室刊云漢鴻臚橋仁祠城北五里有石虎
石柱而無碑誌不知何時建也汧水又東逕大蒙城
北自古不聞有二蒙疑即蒙亳也所謂景薄為北亳
矣案北近刻
訛作此椒舉云商湯有景亳之命者也闕駟曰
湯都也亳本帝嚳之墟在禹貢豫州河洛之間今河

南偃師城西二十里尸鄉亭是也皇甫謐以為考之
事實學者失之如孟子之言湯居亳與葛為隣是即
亳與葛比也湯地七十里葛又伯耳封域有限而寧
陵去偃師八百里

案陵近刻
訛作陂

不得童子饋餉而為之

耕今梁國自有二亳南亳在穀熟北亳在蒙非偃師
也古文仲虺之誥曰葛伯仇餉征自葛始即孟子之
言是也崔駰曰湯冢在濟陰薄縣北皇覽曰薄城北
郭東三里平地有湯冢冢四方方各十步高七尺上

平也漢哀帝建平元年大司空史邵長卿按行水災
因行湯冢在漢屬扶風今徵之迴渠亭有湯池徵陌
是也

案池近刻
訛作地

然不經見難得而詳按秦寧公本紀

云二年伐湯三年與亳戰亳王奔戎遂滅湯然則周
桓王時自有亳王號湯為秦所滅乃西戎之國葬于
徵者也非殷湯矣劉向言殷湯無葬處為疑杜預曰
梁國蒙縣北有薄伐城城中有成湯冢其西有箕子
冢今城內有故冢方墳疑即杜元凱之所謂湯冢者

也而世謂之王子喬冢冢側有碑題云仙人王子喬

碑曰王子喬者蓋上世之真人聞其仙不知興何代

也博問道家

案問近刻
訛作聞

或言潁川或言產蒙初建此

城則有斯丘傳承先民曰王氏墓暨于永和之元年

冬十二月當臘之時夜上有哭聲其音甚哀附居者

王伯怪之明則祭而察焉時天鴻雪下無人徑有大

鳥跡在祭祀處左右咸以為神其後有人著大冠絳

單衣杖竹立冢前呼採薪孺子伊永昌曰我王子喬

也勿得取吾墳上樹也忽然不見時令泰山萬熹

案近

刻訛稽故老之言感精瑞之應乃造靈廟以休厥神

作喜

于是好道之儔自遠方集或絃琴以歌太一或覃思

以歷丹丘

案近刻覃訛作譚丘訛作思

知至德之宅兆實真人之

祖先延熹八年秋八月皇帝遣使者奉犧牲致禮祠

濯之敬肅如也國相東萊王璋字伯儀

案近刻訛作義

以為

神聖所興必有銘表乃與長史邊乾遂樹之玄石紀

頌遺烈觀其碑文意似非遠既在逕見

案近刻作既有經見不

能不書存耳

案近刻作存焉

獲水出汭水于梁郡蒙縣北

漢書地理志曰獲水首受留獲渠

案獲水下近刻有也字又有十三州

志曰五字

並係衍文亦兼丹水之稱也竹書紀年曰宋殺其大

夫皇瑗于丹水之上又曰宋大水

案原本及近刻並訛作宋大夫

丹

水壅不流蓋汭水之變名也獲水自蒙東出

案近刻訛作山

水南有漢故繹幕令匡碑匡字公輔魯府君之少子

也碑字碎落不可尋識竟不知所立歲月也獲水又

東逕長樂固北已氏縣南東南流逕于蒙澤十三州

志曰蒙澤在縣東春秋莊公十二年宋萬與公爭博

殺閔公于斯澤矣獲水又東

案獲近刻訛作返

逕虞縣故城

北古虞國也昔夏少康逃奔有虞為之庖正虞思于

是妻之以二姚者也王莽之陳定亭也城東有漢司

徒盛允墓碑

案近刻脫碑字

允字伯世

案允近刻訛作公

梁國虞人

也其先夷氏至漢中葉避孝元皇帝諱改姓曰盛世

濟其美以迄于公察孝廉除郎累遷司空司徒延熹

中立墓中有石廟廟宇傾頽基構可尋獲水又東南

逕空桐澤北澤在虞城東南春秋哀公二十六年冬

宋景公遊于空澤

案近刻脫宋景二字

辛巳卒于連中大尹左

師興空澤之士千甲奉公自空桐入如沃宮者矣獲

水又東逕龍譙固

案近刻脫東字固訛作國

又東合黃水口水上

承黃陂下注獲水獲水又東入櫟林世謂之九里柞

獲水又東南逕下邑縣故城北楚考烈王滅魯頃公

亡遷下邑又楚漢彭城之戰呂后兄澤軍于下邑

案兄

澤近刻記
作弟周

高祖敗還從澤軍子房肇捐地之策收垓

下之師陸機所謂即下邑者也王莽更名下治矣獲

水又東逕碭縣故城北

案碭下近刻衍山字

應劭曰縣有碭山

山在東出文石秦立碭郡蓋取山之名也王莽之節

碭縣也山有梁孝王墓其冢斬山作郭穿石為藏行

一里到藏中有數尺水水有大鯉魚黎民謂藏有神

不敢犯神

案近刻民訛作萌犯神訛作犯之

凡到藏皆潔齋而進不

齋者至藏輒有獸噬其足獸難得見見者云似狗所

未詳也山上有梁孝王祠獲水又東穀水注之上承

碭陂

案碭近刻訛作陽

陂中有香城城在四水之中承諸陂

散流為零水滾水清水也

案為近刻作謂

積而成潭謂之碭

水趙人有琴高者以善鼓琴為康王舍人行彭涓之

術浮遊碭郡間二百餘年後入碭水中取龍子與弟

子期曰皆潔齋待于水旁設屋祠果乘赤鯉魚出入

坐祠中碭中有可萬人觀之

案可近刻作千

留月餘復入水

也陂水東注謂之穀水東逕安山北即碭北山也山

有陳勝墓秦亂首兵伐秦弗終厥謀死葬于碭諡曰

隱王也穀水又東北注于獲水獲水又東歷藍田鄉

郭又東逕梁國杼秋縣故城南王莽之予秋也

案予近刻

訛作子獲水又東歷洪溝東注

案此下近刻行之字

南北各一溝

溝首對獲世謂之鴻溝

案鴻近刻訛作洪

非也春秋昭公八

年秋蒐于紅杜預曰沛國蕭縣西有紅亭即地理志

之埵縣也景帝三年

案近刻訛作高后三年

封楚元王子富為

侯國王莽之所謂貢矣蓋溝名音同

案音近刻訛作是

非楚

漢所分也

又東過蕭縣南睢水北流注之

案此六字原本及近刻並訛入注內睢訛作獲

考注云即經所謂睢水也實指此經之文而言今改正

蕭縣南對山世謂之蕭城南山也戴延之謂之同孝山云取漢陽城侯劉德所居里名目山也劉澄之云縣南有冒山未詳孰是也山有箕谷谷水北流注獲世謂之西流水言水上承梧桐陂陂水西流因以為名也余嘗逕蕭邑城右惟是水北注獲水更無別水

疑即經所謂睢水也城東西及南三面臨側獲水故

沛郡治縣亦同居矣城南舊有石橋耗處

案近刻訛作處耗

積石為梁高二丈今荒毀殆盡亦不具誰所造也縣

本蕭叔國宋附庸楚滅之春秋宣公十二年楚伐蕭

蕭潰申公巫臣曰師人多寒王巡三軍撫之士同挾

纊

案近刻作拊而勉之三軍之士皆同挾纊乃後人據左傳之文所改

蓋恩使之然矣

蕭女聘齊為頃公之母卻克所謂蕭同叔子也獲水

又東歷龍城不知誰所創築也獲水又東逕同孝山

北山陰有楚元王冢上圓下方累石為之高十餘丈
廣百許步經十餘墳悉結石也獲水又東淨淨溝水
注之水上承梧桐陂西北流即劉中書澄之所謂白
溝水也

案溝近刻
訛作瀆

又北入于獲俗名之曰淨淨溝也

又東至彭城縣北東入于泗

獲水自淨淨溝東逕阿育王寺北或言楚王英所造
非所詳也蓋遵育王之遺法因以名焉與安陂水合
水上承安陂餘波北逕阿育王寺側水上有梁謂之

玄注橋水旁有石墓宿經開發石作工奇殊為壯構而不知誰冢疑即澄之所謂凌冢也水北流注于獲獲水又東逕彌黎城北劉澄之永初記所謂城之西南有彌黎城者也獲水于彭城西南迴而北流逕彭城城西北舊有楚大夫龔勝宅即楚老哭勝處也獲水又東轉逕城北而東注泗水北三里有石冢被開傳言楚元王之孫劉向冢未詳是否城即殷大夫老彭之國也于春秋為宋地楚伐宋并之以封魚石崔

子季珪述初賦曰想黃公于邳圯勤魚石于彭城

案勤

近刻訛作勤

即是縣也孟康曰舊名江陵為南楚陳為東

楚彭城為西楚文穎曰彭城故東楚也項羽都焉謂之西楚漢祖定天下以為楚郡封弟交為楚王都之宣帝地節元年更為彭城郡王莽更之曰和樂郡也徐州治城內有漢司徒袁安魏中郎將徐庶等數碑

案近刻脫將字

並列植于街右咸曾為楚相也大城之內有

金城東北小城劉公更開廣之皆壘石高四丈列塹

環之小城西又有一城

案近刻脫有字

是大司馬琅邪王所

修因項羽故臺經始即構宮觀門閣

案近刻訛作閣

惟新厥

制義熙十二年霖雨驟澍汴水暴長城遂崩壞冠軍

將軍彭城劉公之子也登更築之悉以塼壘宏壯堅

峻樓櫓赫奕南北所無宋平北將軍徐州刺史河東

薛安都舉城歸魏魏遣博陵公尉苟仁城陽公孔伯

恭援之邑閤如初

案閤近刻作閣

觀不異昔自後毀撤一時

俱盡間遺工雕鏤尚存龍雲逞勢奇為精妙矣城之

東北角起層樓于其上號曰彭祖樓地理志曰彭城

縣古彭祖國也

案古近刻作故

世本曰陸終之子其三曰篋

是為彭祖彭祖城是也下曰彭祖冢彭祖長年八百

綿壽永世于此有冢蓋亦元極之化矣其樓之側襟

坂帶泗

案近刻脫襟字

東北為二水之會也聳望川原極目

清野斯為佳處矣

水經注卷二十三

欽定四庫全書叢要卷七千六百三十五

史部

水經注卷二十四

後魏 酈道元 撰

睢水 瓠子河 汶水

睢水出梁郡鄆縣

睢水出陳留縣西狼觴渠

案觴近
刻作蕩

東北流地理志曰

睢水首受陳留浚儀狼湯水也

案狼湯近
刻作蕩

經言出鄆

非矣又東逕高陽故亭北俗謂之陳留北城非也蘇

林曰高陽者陳留北縣也按在留故鄉聚名也

案故近刻

訛作使有漢廣野君廟碑延熹六年十二月雍丘令董

生仰餘徽于千載遵茂美于絕代命縣人長照為文

案長近刻作萇用章不朽之德其略云輟洗分餐諮謀帝猷

陳鄭有涿鹿之功海岱無牧野之戰大康華夏綏靜

黎物生民以來功盛莫崇今故宇無聞而單碑介立

矣案近刻字訛作字單訛作軍陳留風俗傳曰酈氏居于高陽沛

公攻陳留縣酈食其有功封高陽侯有酈峻字文山

官至公府掾大將軍商有功食邑于涿故自陳留徙

涿

案近刻脫此二字

縣有鉞亭鉞鄉建武二年世祖封王常

為侯國也睢水又東逕雍丘縣故城北縣舊杞國也

殷湯周武以封夏后繼禹之嗣楚滅杞秦以為縣圜

稱曰縣有五陵之名故以氏縣矣城內有夏后祠昔

在二代享祀不輟秦始皇因築其表為大城而以縣

焉

案因近刻訛作圖

睢水又東水積成湖俗謂之白羊陂陂

方四十里右則姦梁陂水注之其水上承陂水東北

逕雍丘城北又東分為兩瀆謂之雙溝俱入白羊陂

陂水

案近刻訛作之

東合洛架口

案近刻口上衍水字

水上承汭水謂

之洛架水東南流入于睢水睢水又東逕襄邑縣故城北又東逕雍丘城北睢水又東逕寧陵縣故城南故葛伯國也王莽改曰康善矣歷鄆縣北二城南北相去五十里故經有出鄆之文城東七里水次有單父令楊彥尚書郎楊禪字文節兄弟二碑漢光和中立也

東過睢陽縣南

案東上近刻衍又字

睢水又東逕橫城北春秋左傳昭公二十一年樂大

心禦華向于橫

案近刻作樂大心豐愆華捥禦華向于橫蓋後人據左傳增加四字杜

預曰梁國睢陽縣南有橫亭今在睢陽縣西南世謂

之光城蓋光橫聲相近習傳之非也睢水又逕新城

北即宋之新城亭也春秋左傳文公十四年公會宋

公陳侯衛侯鄭伯許男曹伯晉趙盾盟於新城者也

睢水又東逕高鄉亭北又東逕亳城北南亳也即湯

所都矣睢水又東逕睢陽縣故城南周成王

案近刻訛作武

王封微子啓于宋以嗣殷後為宋都也昔宋元君夢

江使乘輜車被繡衣而謁於元君元君感衛平之言而求之于泉陽男子余且獻神龜于此矣秦始皇二十二年以為碭郡漢高祖嘗以沛公為碭郡長天下既定五年為梁國文帝十二年封少子武為梁王太后之愛子景帝寵弟也是以警衛貂侍飾同天子藏珍積寶多擬京師招延豪傑士咸歸之長卿之徒免

官來遊廣睢陽城七十里大治宮觀臺苑屏榭勢並

皇居其所經構也役夫流唱必曰睢陽曲

案近刻脫曲字

創

傳由此始也城西門即寇先鼓琴處也先好釣居睢
水旁宋景公問道不告殺之後十年止此門鼓琴而
去宋人家奉事之南門曰盧門也春秋華氏居盧
門里叛杜預曰盧門宋城南門也司馬彪郡國志曰
睢陽縣有盧門亭城內有高臺甚秀廣巍然介立超
焉獨上謂之螭臺亦曰升臺焉當昔金盛之時故與

雲霞競遠矣續述征記曰迴道似螽故謂之螽臺非也余按闕子稱宋景公使工人為弓九年乃成公曰何其遲也對曰臣不復見君矣臣之精盡于弓矣獻弓而歸三日而死景公登虎圈之臺援弓東面而射之矢踰于孟霜之山集于彭城之東

案城近刻訛作梁

餘勢

逸勁猶飲羽于石梁然則螽臺即是虎圈臺也蓋宋世牢虎所在矣晉太和中大司馬桓溫入河命豫州刺史袁真開石門鮮卑堅戍此臺真頓甲堅城之下

不果而還螽臺如西

案如近刻作而

又有一臺俗謂之女郎

臺臺之西北城中有涼馬臺臺東有曲池池北列兩

釣臺水周六七百步螽臺直東又有一臺世謂之雀

臺也城內東西道北有晉梁王妃王氏陵表並列二

碑碑云妃諱粲字女儀東萊曲城人也齊北海府君

之孫司空東武景侯之季女咸熙元年嬪于司馬氏

泰始二年妃于國太康五年薨營陵于新蒙之

案此下有

脫太康九年立碑東即梁王之吹臺也

案臺近刻訛作宮

基

陞階礎尚在今建追明寺故宮東即安梁之舊地也

齊周五六百步

案齊近刻作廣

水列釣臺池東又有一臺世

謂之清冷臺北城憑隅又結一池臺晉灼曰或說平

臺在城中東北角亦或言兔園在平臺側如淳曰平

臺離宮所在今城東二十里有臺寬廣而不甚極高

俗謂之平臺余按漢書梁孝王傳稱王以功親為大

國築東苑方二百里廣睢陽城七十里大治宮室為

複道自宮連屬于平臺二十餘里複道自宮東出楊

之門

案楊下近刻衍州字

左陽門即睢陽東門也連屬于平臺

則近矣屬之城隅則不能是知平臺不在城中也梁

王與鄒枚司馬相如之徒極遊于其上故齊隨郡王

山居序所謂西園多士平臺盛賓鄒馬之客咸在伐

木之歌屢陳是用追芳昔娛神遊千古故亦一時之

盛事謝氏賦雪亦曰梁王不悅遊於兔園今也歌堂

淪宇律管理音孤基塊立無復曩日之望矣城北五

六里便得漢太尉橋元墓

案橋近刻訛作喬下同

冢東有廟即

曹氏孟德親酹處操本微素嘗候于元元曰天下將
亂能安之者其在君乎操感知已後經元墓祭云操
以頑質見納君子士死知己懷此無忘又承約言徂
沒之後路有經由不以斗酒隻雞過相沃酹車過三
步腹痛勿怨雖臨時戲言非至親篤好胡肯為此辭
哉悽愴致祭以申宿懷家列數碑一是漢朝羣儒英
才哲士感橋氏德行之美乃共刊石立碑以示後世
一碑是故吏司徒博陵崔列

案近刻
作烈

廷尉河南吳整

等以為至德在已揚之由人苟不皦述夫何考焉

案近

刻皦訛作驕
考訛作舍

乃共勒嘉石昭明芳烈一碑是隴西杞

罕北次陌碭守長隲為左尉漢陽獮道趙馮孝高以

橋公嘗牧涼州感三綱之義慕將順之節以為公之

勲美宜宣舊邦乃樹碑頌以昭令德光和七年

案近刻訛

作元年

主記掾李友字仲僚作碑文碑陰有右鼎文建

寧三年拜司空又有中鼎文建寧四年拜司徒又有

左鼎文光和元年拜太尉鼎銘文曰故臣門人相與

述公之行咨度體則文德銘于三鼎武功勒于征鉞

書于碑陰以昭光懿又有鉞文稱是用鏤石假象作

茲征鉞軍鼓陳之于東階亦以昭公之文武之勲焉

廟南列二柱柱東有二石羊羊北有二石虎廟前東

北有石駝駝西北有二石馬皆高大亦不甚彫毀

案近

刻記作
雕飾

惟廟頽構鏽傳遺墉石鼓仍存鉞今不知所

在睢水于城之陽積而為逢洪陂陂之西南有陂又

東合明水水上承城南大池池周千步南流會睢謂

之明水絕睢注渙睢水又東南流歷於竹圃水次綠

竹蔭渚菁菁實望世人言梁王竹園也睢水又東逕

穀熟縣故城北睢水又東蘄水出焉睢水又東逕粟

縣故城北地理志曰侯國也王莽曰成富睢水又東

逕太丘縣故城北地理志曰故敬丘也漢武帝元朔

三年封魯恭王子節侯劉政為侯國漢明帝更從今

名列仙傳曰仙人文賓邑人賣鞞履為業以正月朔

日會故姬于鄉亭西社教令服食不老即此處矣

案近

刻脫以正月至即睢水又東逕芒縣故城北漢高帝
此處共二十二字

六年封郾跖為侯國王莽之傳治世祖改曰臨睢城

西二里水南有豫州從事皇毓碑殞身州牧陰君之

罪時年二十五臨睢長平與李君二千石丞綸氏夏

文則

案近刻丞訛作
丞綸訛作輪

高其行而悼其殞州國咨嗟旌

閭表墓昭叙令德式示後人城內有臨睢長左馮翊

王君碑善有治功累遷廣漢屬國都尉吏民思德縣

人公府掾陳盛孫郎中兒定興

案近刻
兒作倪

劉伯郾等共

立石表政以刊遠績縣北與碭縣分水有碭山芒碭

二縣之間

案近刻脫二字

山澤深固多懷神智有仙者涓子

主柱竝隱碭山得道漢高祖隱之呂后望氣知之即
于是處也京房易候曰何以知賢人隱師曰視四方
常有大雲五色具而不雨其下賢人隱矣

又東過相縣南屈從城北東流當蕭縣南入于陂

案原本及

近刻竝訛作入于睢考睢水與梧桐陂水
互相通注故經叙睢水言入于陂今改正

相縣故宋地也秦始皇二十三年以為泗水郡漢高

帝四年改曰沛郡治此漢武帝元狩六年封南越桂

林監居翁為侯國曰湘成也王莽更名郡曰吾符

案近

刻作更名之吾符

縣曰吾符亭

案此下近刻有也字

睢水東逕石馬亭

亭西有漢故伏波將軍馬援墓睢水又東逕相縣故

城南宋共公之所都也

案共近刻作恭

國府園中猶有伯姬

黃堂基堂夜被火左右曰夫人少避伯姬曰婦人之

義保傳不具夜不下堂遂遇火而死斯堂即伯姬嬪

死處也城西有伯姬冢昔鄭渾為沛郡太守于蕭相

二縣興陂堰民賴其利刻石頌之號曰鄭陂睢水又

左合白溝水

案溝近刻
訛作瀆

水上承梧桐陂陂側有梧桐

山陂水西南流逕相城東而南流注于睢睢盛則北
流入于陂陂溢則西北注于睢出入迴環更相通注

故經有入陂之文

案入陂原本及近刻
亦訛作入睢今改正

睢水又東逕

彭城郡之靈壁東東南流漢書項羽敗漢王于靈壁

東即此處也又云東通穀泗服虔曰水名也在沛國

相界未詳

案未近刻
訛作又

睢水逕穀熟兩分睢水而為蘄

水

案而字近刻訛在睢水上

故二水所在枝分通謂兼稱

案謂近刻訛作

爲

穀水之名蓋因地變然則穀水即睢水也又云漢

軍之敗也睢水爲之不流睢水又東南逕竹縣故城

南地理志曰王莽之篤亭也李奇曰今竹邑縣也睢

水又東與澤湖水合水上承留丘縣之澤陂南北百

餘里東西四十里東至朝解亭西屆彭城留丘縣之

故城東王莽更名之曰善丘矣其水自陂南系于睢

水又東睢水南

案近刻作睢水又東南

八丈故溝水注之水上

承蘄水而北會睢水又東逕符離縣故城北漢武帝

元狩四年

案近刻訛作元光四年

封路博德為侯國王莽之符

合也睢水又東逕臨淮郡之取慮縣故城北

案近刻脫又字

縣字昔汝南步遊張少失其母及為縣令遇母于此乃

使良馬踟躕輕軒固進顧訪病姬乃其母也誠願宿

憑而冥感昭徵矣睢水又東合烏慈水水出縣西南

烏慈渚潭漲東北流與長直故瀆合瀆舊上承蘄水

案瀆近刻訛作溝

北流八十五里注烏慈水烏慈水又東逕

取慮縣南又東屈逕其城東而北流注于睢睢水又

東逕睢陵縣故城北漢武帝元朔元年封江都易王

子劉楚為侯國王莽之睢陸也睢水又東與潼水故

瀆會舊上承潼縣西南潼陂東北流逕潼縣故城北

又東北逕睢陵縣下會睢水

案近刻脫水字

睢水又東南流

逕下相縣故城南高祖十二年封莊侯泠耳為侯國

應劭曰相水出沛國相縣

案相水上近刻衍下字

故此加下也

然則相又是睢水之別名也

案相字上近刻亦衍下字

東南流入

于泗謂之睢口經止蕭縣非也所謂得其一而亡其
二矣

瓠子河出東郡濮陽縣北河

縣北十里即瓠河口也尚書禹貢雷夏既澤雖沮會

同爾雅曰水自河出為雝許慎曰雝者河雖水也暨

漢武帝元光三年

案近刻脫武帝二字三訛作之

河水南決漂害民

居元封二年

案近刻作武帝元封二年係上文訛舛在此

上使汲仁郭昌

發卒數萬人塞瓠子決河于是上自萬里沙還臨決

河沈白馬玉璧令羣臣將軍以下皆負薪填決河上

悼功之不成乃作歌曰瓠子決兮將奈何浩浩洋洋

慮殫為河

案近刻脫此八字

殫為河兮地不寧功無已時兮

吾山平吾山平兮巨野溢魚沸鬱兮柏冬日正道弛

兮離常流蛟龍騁兮放遠遊歸舊川兮神哉沛不封

禪兮安知外皇謂河公兮何不仁泛濫不止兮愁吾

人鬻桑浮兮淮泗滿久不返兮水維緩

案維近刻訛作唯

一

曰河湯湯兮激潺湲北渡迴兮迅流難寧長菱兮湛

美玉河公許兮薪不屬薪不屬兮衛人罪燒蕭條兮

噫乎何以禦水

案近刻脫此
二十四字

隕竹林兮捷石菑宣防

塞兮萬福來于是卒塞瓠子口築宮于其上名曰宣

房宮故亦謂瓠子堰為宣房堰而水亦以瓠子受名

焉平帝已後未及修理河水東浸日月彌廣永平十

二年顯宗詔樂浪人王景治渠築堤起自滎陽東至

千乘一千餘里景乃防遏衝要疏決壅積瓠子之水

絕而不通惟溝瀆存焉河水舊東決

案近刻
訛作河逕濮陽

城東北故衛也帝顓頊之墟昔顓頊自窮桑徙此號
曰商丘或謂之帝丘本陶唐氏火正閼伯之所居亦
夏伯昆吾之都殷相土又都之

案相土近刻
訛作之相

故春秋

傳曰閼伯居商丘相土因之是也衛成公自楚丘遷
此秦始皇徙衛君角于野王置東郡治濮陽縣濮水

逕其南故曰濮陽也章邯守濮陽

案章邯近刻
訛作沛公

環之

以水張晏曰依河水自固又東逕鹹城南

案近刻脫
此六字

春秋僖公十三年夏會于鹹杜預曰東郡濮陽縣東

南

案近刻脫此二字

有鹹城者是也

案近刻鹹訛作咸又鹹是字訛在也字之下

子故瀆又東逕桃城南春秋傳曰分曹地自洮以南

東傳于濟

案近刻脫此六字

盡曹地也今鄆城西南五十里

有姚城

案姚近刻訛作桃

或謂之洮也瓠瀆又東南逕清丘

北春秋宣公十二年經書楚滅蕭晉人宋衛曹同盟

于清丘京相璠曰在今東郡濮陽縣東南三十里魏

東都尉治

案近刻脫東字

東至濟陰句陽縣為新溝

瓠河故瀆又東逕句陽縣之小成陽

案近刻脫縣字小字城北

側瀆帝王世紀曰堯葬濟陰成陽西北四十里是為

穀林

案近刻脫林字

墨子以為堯堂高三尺上階三等北教

八狄道死葬蛩山之陰山海經曰堯葬狄山之陽一

名崇山二說各殊以為成陽近是堯冢也余按小成

陽在成陽西北半里許實中俗彥以為囚堯城士安

盖以是為堯冢也瓠子北有都關縣故城縣有羊里

亭瓠河逕其南為羊里水盖資城地而變名猶經有

新溝之異稱矣黃初中賈逵為豫州刺史與諸將征

吳于洞浦有功魏封逵為羊里亭侯邑四百戶即斯

亭也俗名之羊子城非也蓋韻近字轉耳又東右會

濮水枝津水上承濮渠東逕沮丘城南

案沮近刻訛作鉏

京

相璠曰今濮陽城西南十五里有沮丘城六國時沮

楚同音

案近刻脫音字

以為楚丘非也又東逕浚城南西北

去濮陽三十五里

案西近刻訛作而

城側有寒泉岡即詩所

謂爰有寒泉在浚之下世謂之高平渠非也京相璠

曰濮水故道在濮陽南者也又東逕句陽縣西句瀆

出焉濮水枝渠又東北逕句陽縣之小成陽東垂亭

西

案小成陽下近刻行縣故二字

而北入瓠河地理志曰濮水首受

沛于封丘縣東北至都關入羊里水者也又按地理

志山陽郡有都關縣今其城在廩丘城西考地志句

陽廩丘俱屬濟陰

案句陽原本及近刻並訛作山陽今據上文與郡國志訂正

則

都關無隸山陽理又按地理志郟都亦是山陽之屬

縣矣

案郟都漢書今本作城都

而京杜考地驗城

案杜近刻訛作相

又並

言在廩丘城南推此而論似地理志之誤矣

案原本及近刻

並脫理字今據上文訂補

或亦疆理參差所未詳瓠瀆又東逕垂

亭北春秋隱公八年宋公衛侯遇于犬丘經書垂也京相璠曰今濟陰句陽縣小成陽東五里有故垂亭者也

又東北過廩丘縣為濮水

瓠河又左逕雷澤北其澤藪在大成陽縣故城西北

十餘里

案成近刻訛作城

昔華胥履大跡處也其陂東西二

十餘里南北十五里即舜所漁也澤之東南即成陽

縣故史記曰武王封弟叔武于成應劭曰其後乃遷

于成之陽故曰成陽也地理志曰成陽有堯冢靈臺

今成陽城西二里有堯陵陵南一里有堯母慶都陵

于城為西南稱曰靈臺

案近刻訛作都

鄉曰崇仁邑號修義

皆立廟四周列水潭而不流水澤通泉泉不耗竭至

豐魚笱不敢採捕前並列數碑枯柏數株檀馬成林

二陵南北列馳道逕通皆以磚砌之尚修整堯陵東

城西五十餘步中山夫人祠堯妃也石壁階墀仍舊

南西北三面長櫟聯蔭扶疎里餘中山夫人祠南有

仲山甫冢冢西有石廟羊虎傾低破碎略盡于城為

西南在靈臺之東北按郭緣生述征記自漢迄晉二

千石及丞尉多刊石述叙堯即位至永嘉三年二千

七百二十有一載記于堯妃祠

案近刻
脫祠字

見漢建寧五

年五月

案五年近刻
訛作四年

成陽令管遵所立碑文云堯陵

北仲山甫墓南

案近刻
脫仲字

二冢間有伍員祠

案近刻
脫有字晉

大安中立一碑是永興中建今碑祠並無處所又言

堯陵在城南九里中山夫人祠在城南二里東南六

里堯母慶都冢堯陵北二里有仲山甫墓考地驗狀

咸為踈僻蓋聞疑書疑耳雷澤西南十許里有小山

孤立峻上亭亭傑峙謂之歷山山北有小阜南屬迪

澤之東北

案迪近刻訛作池

有陶墟緣生言舜耕陶所在墟

阜聯屬濱帶瓠河也鄭玄曰歷山在河東今有舜井

皇甫謐或言今濟陰歷山是也與雷澤相比余謂鄭

玄之言為然故揚雄河東賦曰登歷觀而遙望兮聊
浮游于河之巖今雷首山西枕大河按之圖緯于事
為允士安又云定陶西南陶丘舜所陶處也

案近刻
脫所陶

處三字不言在此緣生為失瓠河之北即廩丘縣也王

隱晉書地道記曰廩丘者春秋之所謂齊邑矣寔表

東海者也竹書紀年晉烈公十一年田悼子卒田布

殺其大夫公孫孫

案近刻脫
一孫字

公孫會以廩丘叛于趙

案近刻
脫會字

田布圍廩丘翟角趙孔屑韓師救廩丘及田

布戰于龍澤田師敗遁

案近刻訛作田布敗遁

是也瓠河與濮

水俱東流經所謂過廩丘為濮水者也縣南瓠北有

羊角城春秋傳曰烏餘取衛羊角

案近刻脫烏餘二字衛訛作晉

遂

襲我高魚有大雨自竇入介于其庫

案近刻脫于字

登其城

克而取之者也京相璠曰衛邑也今東郡廩丘縣南

有羊角城高魚魯邑也

案此五字近刻訛作今魯邑也四字

今廩丘東

北有故高魚城俗謂之交魚城謂羊角為角逐城皆

非也瓠河又逕陽晉城南史記蘇秦說齊曰過衛陽

晉之道逕于亢父之險者也今陽晉城在廩丘城東

南十餘里與都關為左右也張儀曰秦下甲攻衛陽

晉大關天下之匈徐廣史記音義云關一作開東之

亢父則其道矣瓠河之北又有郕都城案漢書今本作城都春

秋隱公五年案近刻訛作三年郕侵衛京相璠曰東郡廩丘

縣南三十里有郕都故城案近刻訛作有故郕都地理志曰山陽鄉也十二字

褚先生曰漢封金安上為侯國案史記今本金安上所封國作都成王

莽更名之曰城穀者也瓠河又東逕黎縣故城南王

莽改曰黎治矣孟康曰今黎陽也薛瓚言按黎陽在

魏郡非黎縣也

案近刻訛作非此黎陽也

世謂黎侯城昔黎侯寓

于衛

案黎侯下近刻行陽字

詩所謂胡為乎泥中毛云泥中邑

名疑此城也土地汙下城居小阜魏濮陽郡治也瓠

河又東逕廐縣故城南

案廐原本及近刻並訛作稅說文云廐從广耗聲濟陰有

廐縣今改正

地理志濟陰之屬縣也褚先生曰漢武帝封

金日磾為侯國王莽之萬歲矣世猶謂之為萬歲亭

也瓠河又東逕鄆城南春秋左傳成公十六年公自

沙隨還待于鄆京相璠曰公羊作運字今東郡廩丘縣東八十里有故運城即此城也

又北過東郡范縣東北為濟渠與將渠合

瓠河自運城東北逕范縣與濟濮枝渠合故渠上承濟瀆于乘氏縣北逕范縣左納瓠瀆故經有濟渠之稱又北與將渠合

案近刻脫此二字

渠受河于范縣西北東

南逕秦亭南杜預釋地曰

案近刻脫曰字

東平范縣西北有

秦亭者也

案近刻脫者字

又東南逕范縣故城南王莽更名

建睦也漢興平中靳允為范令曹太祖東征陶謙于
徐州張邈迎呂布郡縣響應程昱說允曰君必固范
我守東阿田單之功可立

案近刻脫此二字

即斯邑也將渠

又東會濟渠自下通謂之將渠北逕范城東俗又謂
之趙溝非也

又東北過東阿縣東

瓠河故瀆又東北左合將渠枝瀆枝瀆上承將渠于

范縣

案近刻脫枝瀆二字

東北逕范縣北又東北逕東阿城南

而東入瓠河故瀆又北逕東阿縣故城東春秋經書
冬及齊侯盟于柯左傳曰冬盟于柯始及齊平杜預
曰東阿即柯邑也按國語曹沫挾匕首刳齊桓公返
遂邑于此矣

又東北過臨邑縣西又東北過茌平縣東為鄧里渠

自宣防已下將渠已上無復有水將渠下水首受河
自北為鄧里渠

又東北過祝阿縣為濟渠

河水自四瀆口出為濟水

案原本及近刻並訛作自泗口出考濟水注云河水

自四瀆口東北流而為濟又河水注云自河入濟自濟入淮自淮達江水逕周通故有四瀆之名也即此

今改

濟水二瀆合而東注于祝阿也

案濟水二瀆四字有舛誤考河

水注云濟水受河始自是出東北流九里與清水合故濟瀆也是河水自四瀆口分流入濟與故濟瀆合然則二瀆當是故瀆之訛

又東北至梁鄒縣西分為二

脈水尋梁鄒濟無二流蓋經之誤

其東北者為濟河其東者為時水又東北至濟西濟河

東北入于海時水東至臨淄縣西屈南過太山華縣東
又南至費縣東入于沂

時即郚水也音而春秋襄公三年齊晉盟于郚者也

京相璠曰今臨淄惟有濇水西北入濟

案近刻訛作沛下同

即

地理志之如水矣

案之近刻訛作曰

郚如聲相似然則濇水

即郚水也蓋以濇與時合得通稱矣時水自西安城
西南分為二水枝津別出西流德會水注之水出昌
國縣黃山西北流逕昌國縣故城南昔樂毅攻齊有

功燕昭王以是縣封之為昌國君德會水又西北五

里泉水注之水出縣南黃阜北流逕城西北入德會

又西北世謂之滄浪溝又北流注時水地理志曰德

會水出昌國西北至西安入如是也

案如近刻訛作如

時水

又西逕東高苑城中而西注也俗人過令側城南注

又屈逕其城南

案近刻脫逕字

史記漢文帝十五年分齊為

膠西王國都高苑

案近刻訛作邑

徐廣音義曰樂安有高苑

城故俗謂之東高苑也

案近刻脫高字

其水又北注故瀆又

西蓋野溝水注之源導延鄉城東北平地出泉西北
逕延鄉城北地理志千乘有延鄉縣世人謂故城為
從城延從字相似讀隨字改所未詳也西北流世謂
之蓋野溝又西北流逕高苑縣北注時水時水又西
逕西高苑縣故城南漢高帝六年封丙倩為侯國王
莽之常鄉也其水側城西注京相璠曰今樂安博昌
縣南界有時水西通濟其源上出盤陽

案源上近刻
訛作上源

北至高苑下有死時中無水杜預亦云時水于樂安

枝流旱則竭涸

案近刻作耗

為春秋之乾時也左傳莊公

九年齊魯戰地魯師敗處也時水西北至梁鄒城入

于濟非濟入時蓋時來注濟若濟分東流明不得以

時為名尋時濟更無別流南延華費之所斯為謬矣

汶水出泰山萊蕪縣原山西南過其縣南

案其原本及近刻並訛作

贏蓋後人因注內言汶水又西南逕贏縣故城南遂憑臆妄改考注云故不得過其縣南也此句乃舉經文之

誤今訂正

萊蕪縣在齊城西南原山又在縣西南六十許里地

理志汶水與淄水俱出原山西南入濟故不得過其縣南也從征記曰汶水出縣西南流又言自入萊蕪谷夾路連山百數里水隍多行石澗中出藥草

案近刻訛

作草藥

饒松栢林藿綿濛崖壁相望或傾岑阻徑或迴

巖絕谷清風鳴條山壑俱響凌高降深兼惴慄之懼

危蹊斷徑

案近刻脫斷字

過懸度之艱未出谷十餘里有別

谷在孤山谷有清泉泉上數丈有石穴二口容人行入穴丈餘高九尺許廣四五丈言是昔人居山之處

薪爨煙墨猶存谷中林木緻密行人鮮有能至矣又
有少許山田引灌之蹤尚存出谷有平丘面山傍水
土人悉以種麥云此丘不宜殖稷黍而宜麥齊人相
承以殖之意謂麥丘所栖愚公谷也何其深沈幽翳
可以託業怡生如此也余時逕此為之躊躇為之屢
眷矣余按麥丘愚公在齊川谷猶傳其名不在魯

案此

三字近刻記
在川谷上

蓋誌者之謬耳汶水又西南逕嬴縣故

城南春秋左傳桓公三年公會齊侯于嬴成婚于齊

也

又西南過奉高縣北

案西近刻訛作東

奉高縣漢武帝元封元年立以奉泰山之祀泰山郡

治也

案近刻脫之祀泰山四字

縣北有吳季札子墓在汶水南曲

中季札之聘上國也喪子于嬴博之間即此處也從

征記曰嬴縣西六十里有季札兒冢冢圓其高可隱

也前有石銘一所漢末奉高令所立無所述叙標誌

而已自昔恒蠲民戶灑掃之今不能然碑石糜碎靡

有遺矣惟故趺存焉

案近刻
脫故字

屈從縣西南流

汶出年縣故城西南阜下俗謂之胡盧堆淮南子曰

汶出弗其高誘曰山名也或斯阜矣

案近刻
作也

年縣故

城在東北古年國也春秋時年人朝魯故應劭曰魯

附庸也俗謂是水為年汶也又西南逕奉高縣故城

西

案近刻
訛作而

西南流注于汶汶水又南右合北汶水水

出分水溪源與中川分水東南流逕泰山東右合天

門下溪水

案近刻
脫合字

水出泰山天門下谷東流古者帝

王升封咸憩此水水上往往有石竅存焉蓋古設舍

所跨處也馬第伯書云光武封泰山第伯從登山去

平地二十里南向極望無不覩其為高也如視浮雲

其峻也石壁竄窳如無道徑遙望其人或為白石或

雪久之白者移過乃知是人

案近刻脫此
二十四字

仰視巖石

松樹鬱鬱蒼蒼如在雲中俯視溪谷碌碌不可見丈

尺

案近刻
脫見字

直上七里天門

案七下近
刻衍十字

仰視天門如從

穴中視天矣應劭漢官儀云泰山東南山頂名曰日

觀日觀者

案近刻脫日觀二字

雞一鳴時見日始欲出長三丈

許故以名焉其水自溪而東濬波注壑東南流逕龜

陰之田

案田字近刻訛在下句龜字下

龜山在博縣北十五里昔夫

子傷政道之陵遲

案此下近刻衍故字

望山而懷操故琴操有

龜山操焉山北即龜陰之田也春秋定公十年齊人

來歸龜陰之田是也又合環水水出泰山南溪南流

歷中下兩廟間

案下近刻訛作階

從征記曰泰山有下中上

三廟牆闕嚴整廟中柏樹夾兩階大二十餘圍蓋漢武所植也赤眉嘗斫一樹見血而止今斧創猶存門

閤三重樓榭四所三層壇一所高丈餘廣八尺樹前有
大井極香冷異于凡水不知何代所掘不常浚深而水旱不減庫中有漢時故樂器及神車木偶皆靡

密巧麗又有石虎建武十三年

案虎近刻訛作勒

永貴侯張

余上金馬一匹高二尺餘形制甚精中廟去下廟五里屋宇又崇麗于下廟廟東西夾澗上廟在山頂即

封禪處也其水又屈而東流

案此下近刻衍入于汶水四字

又東南

逕明堂下

案近刻作又東南流逕南明堂下

漢武帝元封元年封泰

山降坐明堂于山之東北趾武帝以古處險狹而不

顯也欲治明堂于奉高傍而未曉其制濟南人公玉

帶上黃帝時明堂圖圖中有一殿四面無壁以茅蓋

之通水圜宮垣為複道上有樓從西南入名曰崑崙

天子從之入以拜祀上帝焉于是上令奉高作明堂

于汶上

案近刻訛作水

如帶圖也古引水為辟雖處基瀆存

焉世謂此水為石汶山海經曰環水出泰山東流注

于汶

案近刻訛作江

即此水也環水又左入于汶水汶水數

川合注

案近刻脫此四字

又西南流逕徂徠山西山多松柏

詩所謂徂徠之松也廣雅曰道梓松也抱朴子稱玉

策記曰千歲之松中有物或如青牛或如青犬或如

人皆壽萬歲又稱天陵有偃蓋之松也所謂樓松也

魯連子曰松縱高十仞而無枝

案十近刻訛作千

非憂正室

之無柱也

案正室近刻訛作王實宋本訛作王室

爾雅曰松葉柏身曰

樅鄒山記曰徂徠山在梁甫奉高博三縣界猶有美

松亦曰尤徠之山也赤眉渠師樊崇所保也

案保近刻訛作

堡故崇自號尤徠三老矣山東有巢父廟

案近刻脫有字山

高十里山下有陂水方百許步三道流注一水東北

沿溪而下屈逕縣南西北流入于汶一水北流歷澗

西流入于汶一水南流逕陽關亭南春秋襄公十七

年逆臧紇自陽關者也又西流入于汶水也

過博縣西北

汶水南逕博縣故城東春秋哀公十一年會吳伐齊

取博者也

案近刻脫齊取二字

灌嬰破田橫于城下屈從其城

南西流不在西北也汶水又西南逕龍鄉故城南春

秋成公二年齊侯圍龍龍囚頃公嬖人盧蒲就魁殺

而膊諸城上齊侯親鼓取龍者也漢高帝八年封謁

者陳署為侯國汶水又西南逕亭亭山東黃帝所禪

也山有神廟水上有石門舊分水 downstream 處也汶水又

西南逕陽關故城西本鉅平縣之陽關亭矣

案此下近刻有

春秋襄公十七年逆臧紇自陽
關者矣十五字係重出行文 陽虎據之以叛伐之

虎焚萊門而奔齊者也汶水又南左會淄水水出泰
山梁父縣東西南流逕菟裘城北春秋隱公十一年
營之公謂羽父曰吾將歸老焉故郡國志曰梁父有
菟裘聚淄水又逕梁父縣故城南縣北有梁父山開
山圖曰泰山在左亢父在右亢父知生梁父主死王
者封泰山禪梁父故縣取名焉淄水又西南逕柴縣
故城北地理志泰山之屬縣也世謂之柴汶矣淄水

又逕郕縣北

案近刻脫縣字

漢高帝六年封董濞為侯國春

秋齊師圍郕郕人伐齊飲馬于斯水也昔孔子行于
郕之野遇榮啟期于是衣鹿裘被髮琴歌三樂之歡
夫子善其能寬矣淄水又西逕陽關城南西流注于
汶水汶水又南逕鉅平縣故城東而西南流城東有
魯道詩所謂魯道有蕩齊子由歸者也今汶上夾水
有文姜臺汶水又西南流詩云汶水滔滔矣淮南子
曰貉渡汶則死天地之性倚伏難尋固不可以情理

窮也汶水又西南逕魯國汶陽縣北王莽之汶亭也

縣北有曲水亭

案亭上近刻衍池字

春秋桓公十二年經書公

會杞侯莒子盟于曲池左傳曰平杞莒也故杜預曰

魯國汶陽縣北有曲水亭漢章帝元和二年

案近刻訛作三

年東巡泰山立行宮于汶陽執金吾耿恭屯于汶上

城門基壑存焉

案城門二字近刻訛在于字上

世謂之闕陵城也汶

水又西逕汶陽縣故城北而西注

案近刻脫西字

又西南過蛇丘縣南

汶水又西洸水注焉又西逕蛇丘縣南縣有鑄鄉城

案近刻訛作縣治鑄鄉故城

春秋左傳宣叔娶于鑄

案此下衍是也二字

杜

預曰濟北蛇丘縣所治鑄鄉城者也

案左傳集解無鑄鄉城三字

又西南過剛縣北

案近刻剛訛作岡

地理志剛故闡也

案近刻剛訛作鄉

王莽更之曰柔應劭曰

春秋經書齊人取讎及闡今闡亭是也

案近刻脫今闡二字杜

預春秋釋地曰闡在剛縣北剛城東有一小亭今剛

縣治俗人又謂之闡亭

案近刻訛作闡亭

京相璠曰剛縣西

四十里有闡亭未知孰是汶水又西蛇水注之水出縣東北泰山西南流逕汶陽之田齊所侵也自汶之北平暢極目僖公以賜季友蛇水又西南逕鑄城西左傳所謂蛇淵圉也故京相璠曰今濟北有蛇丘城城下有水魯圉也俗謂之濁須水非矣蛇水又西南逕夏暉城南經書公會齊侯于下讙是也今俗謂之夏暉城蓋春秋左傳桓公三年公子翬如齊齊侯送姜氏于下讙非禮也

案近刻也上衍是字

世有夏暉之名矣蛇

水又西南入汶汶水又西溝水注之水出東北馬山西南流逕棘亭南春秋成公三年經書秋叔孫僑如帥師圍棘左傳曰取汶陽之田棘不服圍之南去汶水八十里又西南逕遂城東地理志曰蛇丘遂鄉故遂國也春秋莊公十三年齊滅遂而戍之者也京相璠曰遂在蛇丘東北十里杜預亦以為然然縣東北無城以擬之今城在蛇丘西北蓋杜預傳疑之非也又西逕下謹城西而入汶水汶水又西逕春亭北考

古無春名惟平陸縣有崇陽亭然是亭東去剛城四

十里

案近刻
脫亭字

推璠所注則符並所未詳也

又西南過東平章縣南

案原本及近刻
並脫東字今補

地理志曰東平國故梁也景帝中六年

案中下近
刻衍和字別

為濟東國武帝元鼎元年為大河郡宣帝甘露二年

為東平國王莽之有鹽也

案近刻也
上行城字

章縣按世本任

姓之國也齊人降章者也故城

案近刻
脫城字

在無鹽縣東

北五十里

案縣近刻
訛作城

汶水又西南有泌水注之水出

肥成縣東白原

案近刻訛作肥
縣東北自源

西南流逕肥成縣故

城南樂正子春謂其弟子曰子適齊過肥肥有君子
焉左逕句窰亭北章帝元和二年鳳凰集肥成句窰
亭復其租而巡泰山即是亭也沁水又西南逕富成
縣故城西王莽之成富也其水又西南流注于汶汶
水又西南逕桃鄉縣故城西王莽之鄣亭也世以此
為鄣城非盖因巨新之故目耳

又西南過無鹽縣南又西南過壽張縣北又西南至安

民亭入于濟

汶水自桃鄉四分當其派別之處謂之四汶口其左

二水雙流西南至無鹽縣之邱鄉城南邱昭伯之故

邑也

案邱昭伯近刻記作魯叔孫昭伯

禍起鬪雞矣

案起近刻訛作及

春秋

左傳定公十二年叔孫氏墮邱今其城無南面汶水

又西南逕東平陸縣故城北應劭曰古厥國也

案近刻脫

國今有厥亭汶水又西逕危山南世謂之龍山也漢

書宣元六王傳曰

案近刻記作漢書五行志曰

哀帝時無鹽危山

土自起覆草如馳道狀又瓠山石轉立晉灼曰漢注作報山山脅石一枚轉側起立高九尺六寸旁行一

丈廣四尺

案晉灼曰至此乃注文此下又屬漢書本文

東平王雲及后謁

曰漢世石立宣帝起之表也

案近刻脫曰字世訛作書表訛作象又此十字

訛在下國除之下

自之石所祭治石象報山立石東倍草并

祠之建平三年息夫躬告之王自殺后謁棄市國除汶水又西合為一水西南入茂都淀淀陂水之異名也淀水西南出謂之巨野溝又西南逕致密城南郡

國志曰須昌縣有致密城古中都也

案近刻訛作城

即夫子

所宰之邑矣制養生送死之節長幼男女之禮路不

拾遺器不彫偽矣巨野溝又西南入桓公河北水西

出淀謂之巨良水西南逕致密城北西南流注洪瀆

次一汶西逕邸亭北又西至壽張故城東瀦為澤渚

案瀦近刻訛作遂

初平三年曹公擊黃巾于壽張東鮑信戰

死于此其右一汶西流逕無鹽縣之故城南舊宿國

也齊宣后之故邑所謂無鹽醜女也漢武帝元朔四

年封城陽共王子劉慶為東平侯即此邑也王莽更

名之曰有鹽亭汶水又西逕郕鄉城南

案郕原本及近刻並訛作

洽下同今據漢書改正

地理志所謂無鹽有郕鄉者也汶水西

南流逕壽張縣故城北春秋之良縣也縣有壽聚漢

曰壽良應劭曰世祖叔父名良

案父近刻訛作母

故光武改

曰壽張也建武十二年

案近刻訛作十五年

世祖封樊宏為侯

國汶水又西南長直溝水注之水出須昌城東北穀陽山南逕須昌城東又南漆溝水注焉水出無鹽城

東北五里阜山下西逕無鹽縣故城北水側有東平

憲王倉家碑闕存焉元和二年

案近刻記作三年

章帝幸東

平祀以太牢親拜祠坐賜御劔于陵前其水又西流

注長直溝溝水奇分為二一水西逕須昌城南入濟


案近刻記作浦下同

一水南流注于汶汶水又西流入濟故淮

南子曰汶出弗其西流合濟高誘云弗其山名在朱

虛縣東余按誘說是乃東汶非經所謂入濟者也盖

其誤證耳





水經注卷二十四

總校官庶吉士臣張能照
校對官庶吉士臣徐如澍
謄錄監生臣張虎文

總校官庶吉士臣張能照

校對官庶吉士臣徐如澍

謄錄監生臣張虎文

欽定四庫全書叢要

史部

水經注卷二十五
六

詳校官編修臣繆晉



欽定四庫全書薈要卷七千六百三十六

史部

水經注卷二十五

後魏 酈道元 撰

泗水 沂水 洙水

泗水出魯卞縣北山

地理志曰出濟陰乘氏縣又云出卞縣北經言北山皆為非矣山海經曰泗水出魯東北余昔因公事沿歷徐沅路逕洙泗因令尋其源流水出卞縣故城東

南桃墟西北春秋昭公七年謝息納季孫之言以孟氏成邑與晉而遷於桃杜預曰魯國卞縣東南有桃

墟世謂之曰陶墟舜所陶處也

案近刻脫陶字

井曰舜井皆

為非也墟有漏澤

案漏近刻訛作澤

方十五里淥水澍渟三

丈如減澤西際阜俗謂之媯亭山蓋有陶墟舜井之

言因復有媯亭之名矣阜側有三石穴

案側近刻訛作則

廣

圓三四尺穴有通否水有盈漏漏則數夕之中

案近刻脫

一漏字又則字訛在此句之下

傾陂竭澤矣左右民居識其將漏預

以木為曲沃

案近刻訛作狀

約障穴口魚鼈暴鱗不可勝載

矣自此連岡通阜西北四十許里岡之西際便得泗

水之源也博物志曰泗出陪尾蓋斯阜者矣石穴吐

水五泉俱導泉穴各徑尺餘水源南側有一廟枯柏

成林時人謂之原泉祠

案人近刻訛作則

非所究也泗水西

逕其縣故城南春秋襄公二十九年

案近刻脫九字

季武子

取卞曰聞守卞者將叛臣率徒以討之是也南有姑

蔑城春秋隱公元年公及邾儀父盟于蔑者也水出

二邑之間西逕郛城北春秋文公七年經書公伐邾三月甲戌取須句遂城郛杜預曰魯邑也卞縣南有郛城備邾難也泗水自卞而會于洙水也

西南過魯縣北

泗水又西南流逕魯縣分為二流水側有一城為二水之分會也北為洙濟春秋莊公九年經書冬浚洙京相璠服虔杜預案近刻脫服虔二字京相璠下衍曰字竝言洙水在魯城北浚深之為齊備也南則泗水夫子教于洙泗

之間今于城北二水之中即夫子領徒之所也從征

記曰洙泗二水交于魯城東北十七里闕里背洙面

泗

案近刻脫面字又此句之下衍牆字

南北百二十步東西六十步四

門各有石閘北門去洙水百步餘後漢初闕里荆棘

自闕從講堂至九里鮑永為相因脩饗祠以誅魯賊

彭豐等郭緣生言泗水在城南非也余按國語宣公

夏濫于泗淵里革斷畧棄之韋昭云泗在魯城北史

記冢記王隱地道記咸言葬孔子于魯城北泗水上

今泗水南有夫子冢春秋孔演圖曰鳥化為書孔子奉以告天赤爵銜書上化為黃玉刻曰孔提命作應法為赤制說題辭曰孔子卒以所受黃玉葬魯城北即子貢廬墓處也譙周云孔子死後魯人就冢次而居者百有餘家命曰孔里孔叢曰

案孔叢下近刻有子字係後人妄加

夫子墓塋方一里在魯城北六里泗水上諸孔氏封五十餘所人名昭穆不可復識有銘碑三所獸碣具存皇覽曰弟子各以四方奇木來植故多諸異樹不

生棘木刺草今則無復遺條矣泗水自城北南逕魯城西南合沂水沂水出魯城東南尼丘山西北山即顏母所祈而生孔子也山東十里有顏母廟山南數里孔子父葬處禮所謂防墓崩者也平地發泉流逕魯縣故城南水北東門外即爰居所止處也國語曰海鳥曰爰居止于魯城東門之外三日臧文仲祭之展禽譏焉故莊子曰海鳥止郊魯侯觴之奏以廣樂具以太牢三日而死此養非所養矣門郭之外亦戎

夷死處呂氏春秋曰昔戎夷違齊如魯天大寒而後
門與弟子宿于郭門外寒愈甚謂弟子曰子與我衣
我活我與子衣子活我國士也為天下惜子不肖人
不足愛弟子曰不肖人惡能與國士并衣哉戎歎曰
不濟夫解衣與弟子半夜而死沂水北對稷門昔圉
人犖有力能投蓋于此門服虔曰能投千鈞之重過
門之上也杜預謂走接屋之桷反覆門上也春秋僖
公二十年經書春新作南門左傳曰書不時也杜預

曰本名稷門僖公更高大之今猶不與諸門同改名

高門也

案改近刻作故

其遺基猶在地八丈餘矣亦曰雩門

春秋左傳莊公十年公子偃請擊宋師竊從雩門蒙
皋比而出者也門南隔水有雩壇壇高三丈曾點所
欲風舞處也高門一里餘道西有道兒君碑是魯相
陳君立昔曾參居此皋不入郭縣即曲阜之地少昊
之墟有大庭氏之庫春秋豎牛之所攻也故劉公幹
魯都賦曰戢武器于有炎之庫放戎馬于巨野之垆

周成王

案近刻記作武王

封姬旦于曲阜曰魯秦始皇二十

三年以為薛郡漢高后元年為魯國阜上有季氏宅

宅有武子臺今雖崩夷猶高數丈臺西百步有大井

廣三丈深十餘丈以石壘之石似磬制

案近刻似春記作以

秋定公十二年公山不狃帥費人攻魯

案近刻脫人字

公入

季氏之宮登武子之臺也臺之西北二里有周公臺

高五丈周五十步臺南四里許則孔廟即夫子之故

宅也宅大一頃所居之堂後世以為廟漢高祖十三

年過魯以太牢祀孔子自秦燒詩書經典淪缺漢武帝時魯恭王壞孔子舊宅得尚書春秋論語孝經時人已不復知有古文謂之科斗書漢世秘之

案世近刻作時

希有見者于時聞堂上有金石絲竹之音乃不壞

案近

刻此下衍矣字

廟屋三間夫子在西間東向

案間近刻訛作面

顏母

在中間南面夫人隔東一間東向夫子牀前有石硯一枚作甚朴云平生時物也魯人藏孔子所乘車于廟中是顏路所請者也獻帝時廟遇火燒之永平中

鍾離意為魯相到官出私錢萬三千文付戶曹孔訢
治夫子車身入廟拭几席劍履男子張伯除堂下草
土中得玉璧七枚伯懷其一以六枚白意意令主簿
安置几前孔子寢堂牀首有懸甕意召孔訢問何等
甕也對曰夫子甕也背有丹書人勿敢發也意曰夫
子聖人所以遺甕欲以懸示後賢耳發之中得素書
文曰後世脩吾書董仲舒護吾車拭吾履發吾笥會
稽鍾離意壁有七張伯藏其一意即召問伯果服焉

魏黃初元年

案近刻訛作二年

文帝令郡國脩起孔子舊廟

置百石吏卒

案石近刻訛作夫

廟有夫子像列二弟子執卷

立侍穆穆有詢仰之容漢魏以來廟列七碑二碑無
字枯柏猶茂廟之西北二里有顏母廟廟像猶嚴有
脩枯五株孔廟東南五百步有雙石闕即靈光之南
闕北百餘步即靈光殿基東西二十四丈南北十二
丈高丈餘東西廊廡別舍中間方七百餘步闕之東
北有浴池方四十許步池中有釣臺方十步臺之基

岸悉石也

案此七字近刻訛作池臺悉石也五字

遺基尚整故王延壽

賦曰周行數里仰不見日者也是漢景帝程姬子魯

恭王之所造也殿之東南即泮宮也在高門直北道

西宮中有臺高八十尺臺南水東西百步南北六十

步臺西水南北四百步東西六十步臺池咸結石為

之詩所謂思樂泮水也泮水又西逕園丘北丘高四

丈餘泮水又西流昔韓雉射龍于斯水之上尸子曰

韓雉見申羊于魯有龍飲于泮韓雉曰吾聞之

案近刻訛

也作

出見虎搏之見龍射之今弗射是不得行吾聞也

遂射之沂水又西右注泗水也

案近刻也
上衍者字

又西過瑕丘縣東屈從縣東南流潞水從東來注之

瑕丘魯邑春秋之負瑕矣哀公七年季康子伐邾囚
諸負瑕是也應劭曰瑕丘在縣西南昔衛大夫公叔
文子升于瑕丘蘧伯玉從文子曰樂哉斯丘死則我
欲葬焉伯玉曰吾子樂之則瑗請前刺其欲害民良
田也瑕丘之名蓋因斯以表稱矣曾子弔諸負夏鄭

玄皇甫謐並言衛地魯衛雖殊土則一也潞水出東

海合鄉縣漢安帝永初七年

案近刻訛作和帝永寧九年

封馬光

子朗為侯國

案近刻朗作復

其水西南流入邾

案入邾二字有舛誤

春

秋哀公二年季孫斯伐邾取潞東田及沂西田是也

潞水又逕魯國鄒山東南而西南流春秋左傳所謂

嶧山也邾文公之所遷今城在鄒山之陽

案近刻脫在字依

巖阻以墉固故邾婁之國曹姓也叔梁紇之邑也孔

子生于此後乃縣之因鄒山之名以氏縣也王莽之

鄒亭矣京相璠曰地理志嶧山在鄒縣北繹邑之所

依以為名也

案近刻脫以字

山東西二十里高秀獨出積石

相臨殆無土壤石間多孔穴洞達相通往往有如數

間屋處其俗謂之嶧孔遭亂輒將家入嶧

案家近刻訛作處下

衍人字

外寇雖衆無所施害晉永嘉中

案近刻脫晉字

太尉郝

鑒將鄉曲保此山

案保近刻作逃

胡賊攻守不能得今山南

有大嶧名曰郝公嶧山北有絕巖秦始皇觀禮于魯

登于嶧山之上命丞相李斯以大篆勒銘山嶺名曰

畫門詩所謂保有鳧嶧者也

案有近刻
訛作其

潞水又西南

逕蕃縣故城南又西逕薛縣故城北地理志曰夏車

正奚仲之國也竹書紀年梁惠成王三十一年邳遷

于薛改名徐州城南山上有奚仲冢晉太康地記曰

案近刻
脫曰字

奚仲冢在城南二十五里山上百姓謂之神

靈也齊封田文于此號孟嘗君有惠喻今郭側猶有

文冢結石為郭作制嚴固瑩麗可尋行人往還莫不

逕觀以為異見矣潞水又西逕仲虺城北晉太康地

記曰奚仲遷于邳仲虺居之以為湯左相其後當周
爵稱侯後見侵削霸者所絀為伯任姓也應劭曰邳
在薛徐廣史記音義曰楚元王子郢客案近刻以呂
脫客字后二年封上邳侯也有下故此為上矣晉書地道記
曰仲虺城在薛城西三十里潞水又西至湖陸縣入
于泗案西下近
刻衍逕字故京相璠曰薛縣潞水首受蕃縣西

注山陽湖陸是也經言瑕丘東誤耳

又南過平陽縣西

縣即山陽郡之南平陽縣也竹書紀年曰梁惠成王

二十九年齊田盼

案近刻訛作盼

及宋人伐我東鄙圍平陽

者也王莽改之曰龜平矣泗水又南逕故城西世謂

之漆鄉應劭十三州記曰漆鄉邾邑也杜預曰平陽

東北有漆鄉

案此下近刻衍鄆字

今見有故城西南方二里所

未詳也

又南過高平縣西洸水從西北來

案西北近刻訛作北西

流注之

泗水南逕高平山山東西十里南北五里高四里與

衆山相連其山最高頂上方平故謂之高平山縣亦

取名焉泗水又南逕高平縣故城西漢宣帝地節三

年封丞相魏相為侯國高帝七年

案近刻訛作八年

封將軍

陳錯為橐侯

案錯原本及近刻並訛作錯史記索隱音指引三倉云九江人名鐵曰錯不得

為錯明矣今改正又索史記漢書功臣表並訛作橐索隱云屬山陽而臣瓚于地理志云音拓則橐乃橐

之訛耳

地理志山陽之屬縣也

案近刻訛作地理志曰縣故山陽之橐也

王

莽改曰高平應劭曰章帝改按本志曰王莽改名章

帝因之矣所謂洸水者洙水也蓋洸洙相入互受通

稱矣

案近刻
脫互字

又南過方與縣東

漢哀帝建平四年縣女子田無嗇生子先未生二月
兒啼腹中及生不舉葬之陌上三日人過聞啼聲母
掘養之

荷水從西來注之

案荷近刻
訛作荷

荷水即濟水之所苞注以成湖澤也而東與泗水合
于湖陵縣西六十里穀庭城下俗謂之黃水口黃水

西北通巨野澤蓋以黃水沿注于荷故因以名焉

又屈東南過湖陸縣南涓涓水從東北來流注之

地理志故湖陸縣也

案原本及近刻並訛作地理志曰故湖陸縣也今改正

荷

水在南王莽改曰湖陸應劭曰

案此下原本及近刻並衍尚書二字

一

名湖陸章帝封東平王蒼子為湖陸侯更名湖陸也

案原本及近刻並訛作為湖陸侯更名湖陸也考後漢書郡國志山陽郡湖陸故湖陸章帝更名劉昭注云前漢志王莽改曰湖陸章帝復其號又郡國志高平侯國故索章帝更名劉昭注云前漢志王莽改曰高平章帝復莽此號蓋光武中興凡莽所改即不行用至章帝改湖陸為湖陸改索為高平偶與莽同以

莽不足道故直曰章帝更名耳先武永平二年以橐
湖陵益東平國見先武十王列傳注云橐縣一名高
平其正文及注兩橐字皆橐之訛是先武時仍前漢
之舊稱橐湖陵章帝已後則稱高平湖陸也今漢書
地理志山陽郡湖陵下云禹貢浮于泗淮通于河水
在南莽曰湖陸應劭曰尚書一名湖章帝封東平王
倉子為湖陵侯更名湖陵此條舛誤者八泗淮當作
淮泗一也通于河當作通于荷二也水在南當作荷
水在南三也尚書二字當在禹貢二字上不當在應
劭曰下四也應劭時稱湖陸已久所引應劭語宜為
地理風俗記湖陸縣之文一名湖當是一名湖陵校
漢書者妄刪陵字以起下文有陵字為更名耳五也
倉當作蒼六也為湖陵侯當作為湖陸侯七也更名
湖陵當作更名湖陸八也道元此注亦有尚書二字
蓋校是書者據漢志訛本增入說文荷字下云荷澤
水在山陽湖陵引禹貢浮于淮泗達于荷而水經濟

水內叙荷水云又東南過湖陸縣南東入于泗水道
元注亦引尚書浮于淮泗達于荷今尚書本皆訛作
達于河以尚書及前後漢書水經注互有舛誤
彼此紛紛僅就一處訂正終難了徹故備論之
泗水

又東逕郗鑒所築城北又東逕湖陵城東南昔桓溫
之北入也范曄擒慕容忠于此城東有度尚碑泗水

又左會南梁水地理志曰水出蕃縣今縣之東北平

澤出泉若輪焉發源成川西南流分為二水北水枝

出西逕蕃縣北

案近刻訛作北枝
水西出逕蕃縣北

西逕滕城北春秋

左傳隱公十一年滕侯薛侯來朝爭長薛侯曰我先

封滕侯曰我周之卜正也薛庶姓也我不可以後之

公使羽父請薛侯曰君辱在寡人周諺有之曰山有

木工則度之賓有禮主則擇之周之宗盟異姓為後

寡人若朝于薛不敢與諸仕齒君若辱貺寡人則願

以滕君為請薛侯許之乃長滕侯者也漢高祖封夏

侯嬰為侯國號曰滕公鄧晨曰今沛郡公丘也其水

又溉于丘焉

案于近刻訛作公

縣故城在滕西北城周二十

里有子城

案近刻脫此九字

按地理志即滕也周懿王子

錯叔繡文公所封也齊滅之秦以為縣漢武帝元朔

三年封魯恭王子劉順為侯國世以此水溉我良田

遂及百秭故有兩溝之名焉南梁水自枝渠西南逕

魯國蕃縣故城東俗以南鄰于潏亦謂之西潏水南

梁水又屈逕城南應劭曰縣古小邾邑也地理志曰

其水西流注于濟渠

案濟近刻訛沛下同又脫渠字

濟在湖陸西而

左注泗濟合流故地記或言濟入泗泗亦言入濟

互受通稱故有入濟之文闕駟十三州志曰西至湖

陸入泗是也經無南梁之名而有涓涓之稱

案近刻訛作涓

涓之水

疑即是水也戴延之西征記亦言湖陸縣之

下同

東南有涓涓水亦無記于南梁謂是吳王所道之瀆

也余按湖陸西南止有是水延之蓋以國語云吳王

夫差起師將北會黃池掘溝于商魯之間北屬之沂

西屬于濟以是言之故謂是水為吳王所掘

案近刻脫謂字

非也余以水路求之止有泗川耳

案有近刻訛作自

蓋北達

沂西北逕于商魯而接于濟矣

案近刻無矣字

吳所浚廣耳

非謂起自東北受沂西南注濟也假之有通非吳所

趣年載誠眇人情則近

案則近刻作廁

以今付古益知延之

之不通情理矣

案益知近刻訛作知一

泗水又南潞水注之又

逕薛之上邳城西而南注者也

又東過沛縣東

昔許由隱于沛澤即是縣也縣蓋取澤為名宋滅屬

楚在泗水之濱

案在近刻訛作左

于秦為泗水郡治黃水注

之黃水出小黃縣黃鄉黃溝國語曰吳子會諸侯于

黃池者也黃水東流逕外黃縣故城南張晏曰魏郡
有內黃縣故加外也薛瓚曰縣有黃溝故縣氏焉圜
稱陳留風俗傳曰縣南有渠水于春秋為宋之曲棘
里故宋之別都矣春秋昭公二十五年宋元公卒于
曲棘是也宋華元居于稷里宣公十五年楚鄭圉宋
晉解揚違楚紫近刻楊訛作
楊違訛作圉致命于此宋人懼使華
元乘閨夜入楚師登子反之牀曰寡君使元以病告
弊邑易子而食析骸以爨城下之盟所不能也子反

退一舍宋楚乃平今城東闔上猶有華元祠祠之不
輟城北有華元冢黃溝自城南東逕蔡丘下春秋僖
公九年齊桓公會諸侯于葵丘宰孔曰齊侯不務德
而勤遠略北伐山戎南伐楚西為此會東略之不知
西則否矣其在亂乎

案在近刻訛作有

君務靖亂無勤于行

晉侯乃還即此地也黃溝又東注大澤蒹葭萑葦生

焉

案崔近刻作莞

即世所謂大薺陂也陂水東北流逕定陶

縣南又東逕山陽郡成武縣之楚丘亭北

案此十四字原本及

近刻並截上六字訛作經下八字仍屬注文考之上
下皆注內叙黃溝所逕不得承接經文泗水今改正

黃溝又東逕成武縣故城南

案東逕下近刻有郛城
北三字係下文衍複在

此王莽更之曰成安也黃溝又東北逕郛城北春秋

桓公二年經書取郛大鼎于宋戊申納于太廟左傳

曰宋督攻孔父而取其妻殺殤公而立公子馮以郛

大鼎賂公臧哀伯諫為非禮

案哀近刻
訛作倍

十三州志曰

今成武縣東南有郛城俗謂之北郛者也黃溝又東
逕平樂縣故城南又東右合泡水即豐水之上源也

水上承大莽陂東逕貫城北

案貫近刻訛作貫

又東逕已氏

縣故城北王莽之已善也縣有伊尹冢崔駰曰殷帝

沃丁之時

案近刻重一時字

伊尹卒葬于薄皇覽曰伊尹冢

在濟陰已氏平利鄉皇甫謐曰伊尹年百餘歲而卒

大霧三日沃丁葬以天子之禮親自臨喪以報大德

焉又東逕孟諸澤杜預曰澤在梁國睢陽縣東北又

東逕郛成縣故城南

案近刻脫又東二字郛成訛作印城

地理志山陽

縣也王莽更名之曰告成矣

案告成近刻訛作郛城

故世有南

郃北郃之論也又東逕單父縣故城南

案近刻脫縣字

昔宓

子賤之治也孔子使巫馬期觀政入其境見夜漁者

問曰子得魚輒放何也曰小者吾大夫欲長育之故

也子聞之曰誠彼形此子賤得之善矣惜哉不齊所

治者小也王莽更名斯縣為利父矣

案近刻父記作善

世祖

建武十三年封劉茂為侯國又東逕平樂縣右合汜

水水上承睢水于下邑縣界

案睢近刻記作淮下同

東北注一

水上承睢水于杼秋縣界北流世又謂之瓠盧溝水

積為渚渚水東北流二渠雙引左合澧水俗謂之二
泡也自下澧泡並得通稱矣故地理志曰平樂侯國
也泡水所出又逕豐西澤

案近刻訛作潭

謂之豐水漢書稱

高祖送徒麗山徒多亡到豐西澤有大蛇當徑拔劍

斬之此即漢高祖斬蛇處也又東逕大堰

案近刻訛作堰

水

分為二又東逕豐縣故城南王莽之吾豐也水側城
東北流右合枝水上承豐西大堰派流東北逕豐城
北東注澧水澧水又東合黃水時人謂之狂水蓋狂

黃聲相近俗傳失實也自下黃水又兼通稱矣水上

舊有梁謂之泡橋王智深宋史云宋太尉劉義恭于

彭城遣軍主稽玄敬北至城覘候魏軍魏軍于清西

望見玄敬士衆魏南康侯杜道雋引起泡橋沛縣民

逆燒泡橋又于林中打鼓雋謂宋軍大至爭渡泡水

水深酷寒凍溺死者殆半清水即泡水之別名也

案泡

近刻訛作泗

沈約宋書稱魏軍欲渡清西非也泡水又東

逕沛縣故城南秦末兵起蕭何曹參迎漢祖于此城

高帝十一年封合陽侯劉仲子為侯國城內有漢高祖廟廟前有三碑後漢立廟基以青石為之階陛尚存劉備之為徐州也治此袁術遣紀靈攻備備求救呂布布救之屯小沛招靈請備共飲布謂靈曰玄德布弟也布性不喜合鬪但喜解鬪乃植戟于門布彎弓曰觀布射戟小枝中者當各解兵不中可留決鬪一發中之遂解此即布射戟枝處也述征記曰城極大四周塹通豐水豐水于城南東注泗即泡水也地

理志曰泡水自平樂縣東北至沛入泗者也泗水南

逕小沛縣東縣治故城南垞上

案城近刻訛作縣

東岸有泗

水亭漢祖為泗水亭長即此亭也故亭今有高祖廟

案近刻脫祖字

廟前有碑延熹十年立廟闕崩禡略無全者

水中有故石梁處遺石尚存高祖之破黥布也過之

置酒沛宮酒酣歌舞慷慨傷懷曰遊子思故鄉也泗

水又東南流逕廣戚縣故城南漢武帝元朔元年封

劉擇為侯國

案擇近刻訛作澤

王莽更之曰力聚也泗水又

逕留縣而南逕垞城東城西南有崇侯虎廟道淪遺
愛不知何因而遠有此圖泗水又南逕宋大夫桓魋
冢西山枕泗水

案枕近刻訛作抗

西上盡石

案西上近刻訛作上而

鑿

而為冢今人謂之石郭者也郭有二重石作工巧夫
子以為不如死之速朽也

又東南過彭城縣東北

泗水西有龍華寺是沙門釋法顯遠出西域浮海東
還持龍華圖首創此制法流中夏自法顯始也其所

持天竺二石

案竺近刻訛作基

仍在南陸東基堪中其石尚

光潔可愛泗水又南獲水入焉

案獲原本及近刻並訛作淮今改正獲水

入泗見卷二
十三汲水內

而南逕彭城縣故城東周顯王四十二

年九鼎淪沒泗淵秦始皇時而鼎見于斯水始皇自

以德合三代大喜使數千人沒水求之不得所謂鼎

伏也亦云系而行之未出龍齒齧斷其系故語曰稱

樂大早絕鼎系當是孟浪之傳耳泗水又逕龔勝墓

南墓碣尚存又經亞父冢東皇覽曰亞父冢在廬江

縣郭東居巢亭中有亞父井吏民親事皆祭亞父于
居巢廳上後更造祠于郭東至今祠之按漢書項羽
傳歷陽人范增未至彭城而發疽死不言之居巢今
彭城南有項羽涼馬臺

案涼近刻
訛作掠

臺之西南山麓上

即其冢也增不慕范蠡之舉而自絕于斯可謂褊矣
推考書事墓近于此也

案墓字近刻
訛在事字上

又東南過呂縣南

呂宋邑也春秋襄公元年晉師伐鄭及陳楚子辛救

鄭侵宋呂留是也縣對泗水漢景帝三年有白頸烏
與黑烏羣鬪于縣白頸烏不勝墮泗水中死者數千
京房易傳曰逆親厥妖白黑烏鬪時有吳楚之反
泗水之上有石梁焉故曰呂梁也昔宋景公以弓工
之弓彎弧東射矢集彭城之東飲羽于石梁即斯梁
也懸濤瀟濟寔為泗險孔子所謂魚鼈不能游又云
懸水三十仞流沫九十里今則不能也蓋惟嶽之喻
未便極天明矣晉太康地記曰水出磬石書所謂泗

濱浮磬者也泗水又東南流丁溪水注之溪水上承
泗水于呂縣東南流北帶廣隰山高而注于泗川泗
水冬春淺澀常排沙通道是以行者多從此溪即陸
機行思賦所云

案近刻脫機
行思三字

乘丁水之捷岸排泗川

之積沙者也晉太元九年左將軍謝玄于呂梁遣督
護聞人爽用工九萬擁水立七柁以利運漕者

案朱
謀埠

云柁當

作埭

又東南過下邳縣西

泗水歷縣逕葛嶧山東即奚仲所遷邳嶧者也泗水

又東南逕下邳縣故城西東南流沂水流注焉

案流下近

刻衍納字

故東海屬縣也應劭曰奚仲自薛徙居之故曰

下邳也漢徙齊王韓信為楚王都之後乃縣焉王莽

之閏儉矣

案近刻脫矣字

東陽郡治文潁曰秦嘉東陽郡人

案近刻脫人字

今下邳是也晉灼曰東陽縣本屬臨淮郡明

帝分屬下邳後分屬廣陵故張晏曰東陽郡今廣陵

郡也漢明帝置下邳郡矣城有三重其大城中有大

司馬石苞

案近刻
脫大字

鎮東將軍胡質司徒王渾監軍石

崇四碑南門謂之白門魏武擒陳宮于此處矣中城

呂布所守也小城晉中興北中郎將荀羨郗曇所治

也昔泰山吳伯武少孤與弟文章相失二十餘年遇

于縣市文章欲歐伯武心神悲慟因相尋問

案尋近
刻作詢

乃兄弟也縣為沂泗之會也又有武原水注之水出

彭城武原縣西北會注陂南逕其城西王莽之和樂

亭也

案近刻
脫和字

縣東有徐廟山山因徐徙即以名之也

案即以近刻
訛作以即

山上有石室徐廟也武原水又南合武

水謂之洳水南逕剛亭城又南至下邳入泗謂之武

原水口也又有桐水出西北東海容丘縣東南至下

邳入泗泗水東南逕下相縣故城東

案逕近刻
訛作至

王莽

之從德也城之西北有漢太尉陳球墓墓前三碑

是弟子管寧華歆等所造初平四年曹操攻徐州破

之拔取慮睢陵夏丘等縣以其父避難被害于此屠

其男女十萬泗水為之不流自是數縣人無行跡亦

為暴矣泗水又東南得睢水口泗水又逕宿預城之
西又逕其城南故下邳之宿留縣也王莽更名之曰
康義矣晉元皇之為安東也督運軍儲而為邸閣也
魏太和中南徐州治後省為戍梁將張惠紹北入水
軍所次憑固斯城更增脩郭壅其四面引水環之今
城在泗水之中也

又東南入于淮

泗水又東逕陵柵南西征記曰舊陵縣之治也泗水

又東南逕淮陽城北城臨泗水

案城字近刻訛在北字上

昔留丘

訢飲馬斬蛟眇目于此處也泗水又東南逕魏陽城北城枕泗川陸機行思賦曰行魏陽之枉渚故無魏陽疑即泗陽縣故城也王莽之所謂淮平亭矣蓋魏文帝幸廣陵所由或因變之未詳也泗水又東逕角城北而東南流注于淮考諸地說或言泗水于睢陵入淮亦云于下相入淮皆非實錄也

沂水出泰山蓋縣艾山

鄭玄云出沂山亦或云臨樂山水有二源

案二近刻訛作三

南源所導世謂之柞泉北水所發

案北近刻訛作屯

俗謂之

魚窮泉俱東南流合成一川右會洛預水水出洛預

山東北流注之沂水東南流

案近刻脫流字

左合桑預水水

北出桑預山東注于沂水沂水又東南螳蜋水入焉

水出魯山東南流右注沂水沂水又東逕蓋縣故城

南東會連綿之水水發連綿山南流逕蓋城東而南

入沂沂水又東逕浮來之山春秋經書公及莒人盟

于浮來者也即公來山也在邳鄉西故號曰邳來之

間也浮來之水注之其水左控三川右會甘水而注

于沂沂水又南逕爆山西山有二峰相去一里雙巒

齊秀圓峙若一沂水又東南逕東莞縣故城西

案莞近刻

訛作苑

與小沂水合

案近刻脫小字

孟康曰縣故鄆邑

案鄆近刻

訛作鄆

今鄆亭是也漢武帝元朔二年封城陽共王

下同

子吉為東莞侯

案子近刻訛作弟

魏文帝黃初中立為東莞

郡東燕錄謂之團城劉武帝北伐廣固登之以望王

難

案此二字有舛誤朱謀瑋云當作五龍廣固有五龍口見二十六卷

魏南青州治左

氏傳曰莒魯爭鄆為日久矣今城北鄆亭是也京相

璠曰琅邪姑幕縣南四十里員亭故魯鄆邑世變其

字非也郡國志東莞有鄆亭今在團城東北四十里

猶謂之故東莞城矣小沂水出黃孤山西南流逕其

城北西南注于沂沂水又南與閭山水合水出閭山

東南流右佩二水總歸于沂沂水南逕東安縣故城

東而南合時密水水出時密山春秋時莒地

案近刻脫春秋

時三

左傳莒人歸共仲于魯

案近刻脫左傳二字

及密而死是

也時密水東流

案近刻脫時字下同

逕東安城南漢封魯孝王

子强為東安侯時密水又東南流入沂沂水又南桑

泉水北出五女山東南流巨圍水注之水出巨圍之

山東南注于桑泉水桑泉水又東南堂阜水入焉其

水導源堂阜春秋莊公九年管仲請囚鮑叔受之及

堂阜而稅之杜預曰東莞蒙陰縣西北有夷吾亭者

是也堂阜水又東南注桑泉水桑泉水又東南逕蒙

陰縣故城北王莽之蒙恩也又東南與婁崗水合水

有二源雙會東導一川俗謂之汶水也東逕蒙陰縣

注桑泉水又東南

案近刻訛作又南東

盧川水注之

案盧近刻訛作盧

水出鹿嶺山東南流左則二川臻湊右則諸葛泉源

斯奔亂流逕城陽之盧縣故蓋縣之盧上里也漢武

帝元朔二年封城陽共王子劉璠為侯國

案子近刻訛作弟璠

訛作稀

王莽更名之曰著善矣又東南注于桑泉水桑

泉水又東南右合蒙陰水

案陰下近刻衍二字

水出蒙山之陰

案近刻訛
作蒙陰山

東北流昔琅邪承宮避亂此山立性好仁

不與物競人有認其叅者捨之而去其水東北流入
于沂沂水又南逕陽都縣故城東縣故陽國也齊同
盟齊利其地而遷之者也漢高帝六年封將軍丁復
為侯國沂水又南與蒙山水合水出蒙山之陰東流
逕陽都縣南東注沂水沂水又左合溫水水上承溫
泉陂而西南入于沂水者也

南過琅邪臨沂縣東又南過開陽縣東

沂水南逕中丘城西春秋隱公七年夏城中丘左傳
曰書不時也沂水又南逕臨沂縣故城東郡國志曰
琅邪有臨沂縣故屬東海郡有治水注之

案治近刻
訛作洛下

同水出泰山南武陽縣之冠石山地理志曰冠石山

治水所出應劭地理風俗記曰武水出焉蓋水異名
也東流逕蒙山下有祠治水又東南逕顓臾城北郡

國志曰縣有顓臾城季氏將伐之孔子曰昔者先王

以為東蒙主社稷之臣

案近刻此
下有也字

何以伐之為

案近
刻無

之冉有曰今夫顓臾固而便近于費者也治水又東

南流逕費縣故城南地理志東海之屬縣也為魯李

孫之邑子路將墮之公山弗擾師襲魯弗克後季氏

為陽虎所執弗擾以費畔即是邑也漢高帝六年封

陳賀為侯國王莽更名之曰順從也許慎說文云沂

水出東海費縣東西入泗從水斤聲吕忱字林亦言

是矣斯水東南所注者沂水在西不得言東南趣也

皆為謬矣故世俗謂此水為小沂水治水又東南逕

祊城南春秋隱公八年鄭伯請釋泰山之祀而祀周公使宛歸泰山之祊而易許田杜預釋地曰祊鄭祀泰山之邑也在琅邪費縣東南治水又東南流注于沂沂水又南逕開陽縣故城東縣故郛國也春秋左傳昭公十八年邾人襲郛盡俘以歸郛子曰余無歸矣從孥于邾是也後更名開陽矣春秋哀公三年經書季孫斯叔孫州仇帥師城啓陽者是矣縣故琅邪郡治也

又東過襄賁縣東屈從縣南西流

案近刻作西南流

又屈南過

郟縣西

魯連子稱陸子謂齊湣王曰魯費之衆臣甲舍于襄賁者也王莽更名章信也郟故國也少昊之後春秋昭公十七年郟子朝魯公與之宴昭子叔孫婁問曰少昊烏名官何也郟子曰吾祖也我知之矣

案近刻無矣字

黃帝炎帝以雲火紀官太皞以龍紀少皞瑞鳳鳥統歷鳥官之司議政斯在孔子從而學焉既而告人曰

天子失官學在四夷者也竹書紀年晉烈公四年越
子末句滅郟以郟子鳩歸縣故舊魯也東海郡治秦
始皇以為郟郡漢高帝二年更從今名即王莽之沂
平者也

又南過良城縣西又南過下邳縣西南入于泗

春秋左傳曰昭公十三年秋晉侯會吳子于良吳子
辭水道不可以行晉乃還是也地理志曰良城王莽
更名承翰矣沂水于下邳縣北西流分為二水一水

于城北西南入泗一水逕城東屈從縣南亦注泗謂之小沂水水上有橋徐泗間以為圯昔張子房遇黄石公于圯上即此處也建安二年曹操圍呂布于此引沂泗灌城而擒之

洙水出泰山蓋縣臨樂山

地理志曰臨樂山洙水所出西北至蓋入泗水或作池字蓋字誤也洙水自山西北逕蓋縣漢景帝中五年封后兄王信為侯國

案近刻脫王字

又西逕泰山東平陽

縣春秋宣公八年冬城平陽杜預曰今泰山平陽縣是也河東有平陽故此加東矣晉武帝元康九年改為新泰縣也

西南至卞縣入于泗

洙水西南流盜泉水注之泉出卞城東北卞山之陰尸子曰孔子至于暮矣而不宿于盜泉渴矣而不飲惡其名也故論語比考識曰

案語比二字近刻訛作撰字

水名盜

泉仲尼不漱即斯泉矣西北流注于洙水洙水又西

南流于下城西西南入泗水亂流西南至魯縣東北
又分為二水水側有故城兩水之分會也洙水西北
流逕孔里北是謂洙泗之間矣春秋之浚洙非謂始
導矣蓋深廣之耳洙水又西南枝津出焉又南逕瑕
丘城東而南入石門古結石為水門

案古近
刻作又

跨于水

上也西南流世謂之杜武溝洙水又西南逕南平陽
縣之顯閭亭西邾邑也春秋襄公二十一年經書邾
庶其以漆閭丘來奔者也杜預曰平陽北有顯閭亭

十三州記曰山陽南平陽縣又有閭丘鄉從征記曰

杜謂顯閭閭丘也

案近刻脫一閭字

今按漆鄉在縣東北漆

鄉東北十里見有閭丘鄉顯閭非也然則顯閭自是別亭未知孰是又南洸水注之呂忱曰洸水出東平

陽

案近刻脫陽字

上承汶水于剛縣西闡亭東爾雅曰汶別

為闡其猶洛之有波矣洸水西南流逕盛鄉城西京相璠曰剛縣西南有盛鄉城者也又南逕泰山寧陽縣故城西漢武帝元朔三年封魯共王子劉恬為侯

國王莽改之曰寧順也又南洙水枝津注之水首受

洙西南流逕瑕丘城北又西逕寧陽城南又西南入

于洸水洸水又西南逕泰山郡乘丘縣故城東趙肅

侯二十年韓將舉與齊魏戰于乘丘即此縣也漢武

帝元朔五年封中山靖王子劉將夜為侯國也洸水

又東南流注于洙洙水又南至高平縣

案近刻
脫縣字

南入

于泗水西有茅鄉城東去高平三十里京相璠曰今

高平縣西三十里有故茅鄉城者也

水經注卷二十五